

建康實錄

六





建康實錄卷第十四

宋下

太宗明皇帝

廢帝諱昱

順帝諱准



太宗明皇帝諱彧字弘炳小字榮期文帝第十一子也元嘉十六年十月戊辰生二十五年封淮南王二十九年改封湘東王孝武踐祚累遷鎮軍將軍景和中位雍州刺史即本號開府儀同三司是歲入朝時廢帝誅戮大員疑畏請公收上付廷尉將加禍害者數十既而上意定明日應就禍上先已與腹心阮佃等至道白等密謀廢帝左右常慮禍人人有思不志唯直閣將軍宗越譚金童太一等數人爲其腹心並有幹

力在殿省莫敢動是夜賊等並外宿佃夫道兒因結
言叙之等戮廢帝於後堂時十一月二十九日也事
定尚未知所為建安王休仁便稱呂奉引上西堂登
御座召見諸大臣于時事出倉卒上失履蹠至西堂
猶着烏帽座定休仁呼主衣以紗帽代引備羽儀雖
未即位凡衆事悉稱令書已未司徒豫章王子高山
陰公主並賜死宗越譚金童太一謀反伏誅十二月
庚申朔以司空東海王禕為中書監太尉進鎮軍將
軍江州刺史晉安王子勳車騎將軍開府儀同三司
癸亥以新除驃騎將軍建安王休仁為司徒尚書令
揚州刺史乙丑改封安隆王子綏為江夏王

秦始皇元年冬十二月丙寅皇帝即位于大極前殿大赦改元賜人爵二級辛未改封臨賀王子產爲南平王晉熙王子輿爲廬陵王壬申以尚書右僕射王景文爲尚書左僕射癸酉詔分遣大使廣求人瘡乙亥追尊所生母沈婕妤曰宣皇太后戊寅改太皇太后爲崇憲太后立皇后王氏壬戌罷二銖錢江州刺史晉安王子勛舉兵反鎮軍長史鄧琬爲其謀主雍州刺史袁顛赴之壬申謁大廟甲申郢州刺史安陸王子綏會稽太守尋陽王子房臨海王子頊並舉兵同逆二年春正月乙未晉安王子勛僭即僞位于尋陽年號義嘉壬辰徐州刺史薛安都反甲午內外戒嚴司

徒建安王休仁都督征諸軍事統衆軍南討丙戌徐州刺史申令孫司州刺史龐孟州豫州刺史鄒瑛青州刺史沈文秀冀州刺史崔道固朔州刺史行軍何慧文廣州刺史韋曇益州刺史蕭慧開梁州刺史柳元怡並同逆丙午車駕親御六軍於中興堂辛亥南豫州刺史山陽王休祐改爲豫州刺史統諸軍西討吳郡太守顧琛吳興太守王曇生義興太守劉延熙晉陵太守袁標山陽太守程天祚等並舉兵反鎮軍將軍巴陵王休若統衆軍東討壬子崇憲皇太后崩二月乙丑曲赦吳興晉陵義興山陽郡以吏部尚書蔡興宗爲右僕射以吳興太守蕭道成東討平晉陵

癸未曲赦江南五郡丁亥建武將軍吳嘉公率諸軍
破賊於吳興會稽平定三郡同逆皆伏誅輔國將軍
蕭道成前鋒東討輔國將軍劉劭前鋒西討賊劉胡
衆四萬據赭圻三月庚寅撫軍將軍殷孝祖攻赭圻
死之以輔國沈攸之代爲南討前鋒賊稍盛袁顛頓
鵲尾連營至蕪湖衆十餘萬丙申南徐州刺史桂陽
王休範摠統北討諸軍事戊戌敗尋陽王子房爵爲
松滋縣侯癸卯令人入米七百碩除郡減此有差壬
子斷雜錢專用古文錢癸丑原赦揚徐二州囚繫凡
逋亡一無所問夏五月丁酉曲赦豫州甲寅葬崇德
皇太后於循寧陵秋七月丁酉以仇池太守楊僧嗣

爲秦州刺史封武郡王八月己酉司徒建安王休仁
帥衆軍大破賊斬僞尚書僕射袁顛進討江郢荆襄
雍五州平之晉安王子勛安陵王子綏臨海王子頊
邵陵王子元並賜死同黨皆伏誅諸將帥封賞各有
差九月乙酉曲赦江郢荆湘雍五州守宰不得離職
癸巳六軍解嚴大赦賜文武爵一級戊戌以車騎將
軍江州刺史王玄爲左光祿大夫開府儀同三司鎮
軍將軍冬十月乙卯永嘉王子仁始安王子真淮南
王子孟南平王子產廬陵王子興松滋王子房並賜
死丁卯以郢州刺史沈攸之爲中領軍與張永俱北
伐戊寅立皇子昱爲皇太子曲赦揚南徐二州十二

月壬辰立建平王景素子延年為新安王薛安都要
引魏軍張永沈攸之大敗於是遂失淮南北四州及
豫州淮西地是歲即魏天安元年

三年春正月庚子以農役將興詔太官停宰牛祭郊
曲赦揚豫二州庚午都下大雨雪遣使巡行賑貸各
有差二月甲申為戰士舉哀丙子赦青冀二州
夏四月丙戌詔以故丞相江夏文憲王故太尉巴東
忠烈公柳元景故司空始興襄公沈慶之故征西將
軍陽肅侯宗慤陪祭孝武廟庭庚子立桂賜王休範
第三子德嗣為廬江王立侍中劉輶第三子欽為南
封王以奉廬江昭王南京哀王南豐哀王祀五月丙申

詔宣太后崇陵禁內墳瘞遷徙者給葬直蠲復其家
壬戌以太子詹事袁粲爲尚書僕射秋八月壬寅以中
領軍沈攸之行南兖州刺史率衆北侵祭郊大赦景
午遷吏部尚書褚彥回慰勞緣淮將帥隨宜量賜九
月戊午以皇后六宮已下雜衣千領金釵千枚賜北
伐將士甲子曲赦徐兗青冀四州冬十月壬午改封
新安王延年爲始平王戊子蠕蠕國遣使朝貢辛丑
復郡縣公田進鎮西大將軍西秦河二州刺史吐谷
渾澤拾寅爲征西大將軍十一月立建安王休仁第二
子伯仁爲江夏王高麗百濟等並遣使朝貢是歲魏
皇興元年

四年春正月丙辰朔雨草于宮己未祀南郊大赦乙亥零陵王勗薨二月乙巳光祿大夫王玄謀薨三月交州人李長仁據州叛引妖賊攻廣州殺刺史羊希龍驤將軍陳伯紹討平之夏四月己卯復減郡縣田祿之半丙由改封東海王禕為廬陵王山陽王休祐為晉平王辛丑蠕蠕國河南國遣使朝貢五月乙巳曲赦廣州秋七月戊辰詔定黥刑之制有司奏自今凡劫竊執官仗拒戰邏司攻剽亭寺及傷害吏人并監司將吏自為劫皆不限人數悉依舊制斬刑若遇赦黥額及兩頰劫字斷去兩脚筋徙付交梁寧州戍五人已下止相逼奪者亦依黥作劫字斷去兩脚筋

徙赴遠州若遇赦原斷徙猶黥面依舊移家口應及
坐悉依舊結適及上崩其例乃寢庚午上備法駕幸
東宮小會赦揚南徐兗豫四州冬十月癸酉日有蝕
之發諸州兵北伐

五年春正月癸亥親耕藉田大赦賜力田爵一級乙
丑魏剋青州執刺史沈文秀三月庚申以太尉廬江
王禕爲車騎將軍開府儀同三司南豫州刺史三月
己巳河南國遣使朝貢六月辛未立晉平王休祐子
宣曜爲南平王癸酉以軍興已來百官斷奉以給生
食秋七月壬戌改輔國將軍爲輔師將軍九月甲寅
立長沙王纂子延之爲始平王冬十月丁卯朔日有

蝕之十一月丁未魏人來聘十二月庚申分荆益二
州五郡置三巴校尉

六年春正月辛未祀南郊乙亥初制二年一祭南郊
一年一祭明堂二月甲寅大赦夏四月己亥立皇子
燮爲晉熙王六月癸卯以鎮南將軍江州刺史王景
文爲尚書左僕射揚州刺史以尚書僕射袁粲爲右
僕射己未改臨賀郡爲臨慶郡追東平王休倩爲臨
慶王秋七月丙戌臨慶王智井薨九月戊寅立摠明
觀徵學士充之置東觀祭酒訪舉各一人舉士二十
人分爲儒道文史陰陽五部學言陰陽者遂無其人
冬十月辛卯立皇子贇爲武陵王十一月高麗遣使

朝貢十二月癸巳以邊難未息制父母隔在異域者
悉使婚官

七年春正月甲戌置散騎奏舉郎二月癸丑征西將
軍荊州刺史巴陵王休若進號征西大將軍及征南
大將軍江州刺史桂陽王休範並開府儀同三司甲
寅南徐州刺史晉平王休祐薨三月辛酉魏人來聘
壬戌蠕蠕國遣使朝貢四月辛丑減天下死罪一等
凡勅繫滯悉遣之五月戊午鳩司徒建安王休仁庚
午以素粲爲尚書令褚彥回爲右僕射丙戌追免晉
平王休祐爲庶人秋七月丁巳罷散騎奏舉郎乙丑
江州刺史巴陵王休若賜死八月戊子以皇子躋繼

江夏文獻王義恭庚寅帝疾間大赦戊戌立皇子準
爲安誠王冬十一月戊午百濟國遣使朝貢是歲魏
獻文帝禪位于太子爲孝文皇帝改元曰延興

泰豫元年春正月甲寅朔上以疾未瘳改元丁巳巨
人跡見西池冰上會皇太子文貢計於東宮三月癸
丑朔林邑國遣使朝貢夏四月己亥上疾大漸加江
州刺史桂陽王休範位司空以中領軍劉劭爲尚書
右僕射鎮東將軍蔡興宗爲征西將軍開府儀同三
司荊州刺史郢州刺史沈攸之進號安西將軍袁粲
褚彥回劉貞蔡興宗沈攸之入問疾被顧命是日上
崩于景福殿時年三十四五月戊寅葬臨沂縣幕府

山高寧陵帝少而和令風姿端雅少失所生養於路
太后房內大明中諸弟多見猜忌唯上見親常侍太
后醫藥好讀書愛文義在藩時撰江左已來文章志
又續衛瓘所注論語行於世及即大位四方反叛以
寬仁待物諸軍有父子兄弟同逆者並授以禁兵委
任不異莫不盡力及平定天下逆黨多被全宥有才
能者並見拔用如舊臣才學之士多蒙引進於華林
園茅堂誦周易常自臨聽末年好鬼神多忌諱言語
文書有禍敗凶喪及疑似言應迴避者數百千品犯
者必加罪戮改駟馬字爲馬傍作瓜以駟似禍字故也
又嘗以南苑借張永去給三百年期滿更啓復命問

曰永不以爲少乎其事類如此宣陽門聞人謂之白
門上以白門之名不祥甚諱之尚書左丞江溢嘗誤
犯上變色曰白汝家門溢頓首謝罪久之方釋路太
后停屍漆牀移出東宮上嘗幸宮見之怒甚免中庶
子職局以之坐死者數十人內外常慮所犯人不
自得宮內禁忌尤甚移牀修壁必先祭神使文詞呪策
如大祭饗院佃夫揚運長王道隆皆擅威權言爲詔
勅郡守令長一黜十除內外渾然官以賄進王阮之
家富於公室中書舍人胡毋顛者亦專所通奏無不
可時人語曰禾絹閉眼諾胡毋大張橐禾絹謂上也
及秦始皇豫之際吏暴虐好殺左右失旨忤意往往

有剗斲斷截者禁中凜凜若此乃翊夜夢人曰豫章
太守劉惔及遣使就郡斬之經略淮泗軍旅不息荒
弊積久府藏空虛內外百官並斷俸祿又令小黃門
於殿後埋錢以爲私藏性嗜味以密漬鮓鱖一食數
升噉猪肉炙嘗至二百臠奢費無度預爲服侈每乃
造製必爲正御三十副御次副三十須一物輒造九
十枚天下搔然人不堪之其餘事跡別見衆篇

後廢帝

後廢帝諱昱字德融明帝長子也大明七年正月辛
丑生於衛尉府明帝諸子在孕皆以周易筮之即以
所得卦爲小字故帝小字惠震其餘皇子並如之秦

始二年立為皇太子三年始制太子改名石山安車
乘象輅六年出東宮又制太子元正朝貢充冕九章
衣秦豫元年四月己亥明帝崩庾子太子即皇帝位
大赦以尚書袁粲為護軍將軍褚彥回共輔朝政班
劍依舊入殿六月壬辰詔遣大使分行四方觀採風
謠問其疾苦求政善惡乙巳尊皇后曰皇太后立皇
后江氏秋七月戊辰崇拜帝所生陳貴妃為皇太妃
八月戊辰新除秘書監左充祿大夫開府儀同三司
蔡興宗薨冬十一月乙亥新除郢州刺史劉彥節為
尚書左僕射蠕蠕國高麗國並遣使朝貢

元徽元年春正月戊寅大赦壬寅詔自元年以前徙

放者並聽還本土魏人未聘夏六月乙卯壽陽大水遣使賑卹秋八月都下旱度三陳留王曹鈗薨九月丁亥立衡陽王休寔子伯王為南安王冬十二月癸卯朔日有蝕之乙巳進司空江州刺史桂陽王休範位太尉癸卯立前楚安王世子伯融為始安王是歲利浮南遣使朝貢

二年夏五月壬午太尉江州刺史桂陽王休範舉兵反庚寅內外戒嚴以中領軍劉劭右衛將軍蕭道成為前鋒南討出屯新亭征北將軍張永屯白下前南兖州刺史沈懷明戍石頭衛將軍袁粲中軍將軍褚彥回入衛殿省壬辰賊奄至攻新亭壘蕭道成拒擊

大破之越騎校尉張劼見斬休範黨杜黑孟蠡丁文豪
分兵向朱雀航劉劭拒賊賊縊死之尤將將軍王道
隆奔走遇害張永漬于白下沈懷明自石頭奔散甲
午護軍典籤蕭恬開東府納賊入屯中堂羽林監陳
顯達擊大破之丙申張劼兒等又破賊進平東府城
梟群賊黨賜封爵各有差丁酉詔瘞戰敗亡者大赦
解嚴文武俱進位一等荊州刺史沈攸之南徐州刺
史建平王景素郢州刺史晉熙王燹湘州刺史王僧
虔雍州刺史張世興並舉義兵赴建業己亥蠕蠕國
遣使朝貢六月癸卯晉熙王燹遣軍刺尋陽江州平
丙午改輔師將軍遷爲輔國將軍秋七月庚辰立皇

弟友為邵陵王乙酉徐州刺史建平王景素進號征
北將軍開府儀同三司九月丁酉以尚書新除衛將
軍袁粲為中書監即本號開府儀同三司加護軍將
軍褚彥回為尚書令冬十一月丙戌帝加元服大赦
賜人爵一級為人後及三老孝悌力田者爵二級大
酺五日賜王公已下各有差十二月癸亥立皇弟躋
為江夏王贊為武陵王

三年春正月辛巳祠南郊及明堂三月己巳都下大
水六月魏人來聘秋七月庚戌以兼司徒袁粲為尚
書令九月景辰征西大將軍河南王吐谷渾拾寅進
號車騎征西大將軍是歲浮南國高麗國並遣使朝貢

四年春正月己亥耕籍田大赦賜力田爵一級六月
乙亥加領軍蕭道成尚書左僕射秋七月戊子征北
將軍南徐州刺史建平王景素據京城反乙亥內外
纂嚴遣車騎將軍任農夫冠軍將軍黃迴北討護軍
將軍蕭道成摠統衆軍曲赦南徐州始安王伯融都
鄉侯伯猷並賜死乙未剋京城斬景素同逆皆伏誅
是日解嚴丙申大赦封賞各有差八月丁酉立皇弟
勰為南陽王嵩為新興王禕為始興王九月戊子驍
騎將軍高道慶有罪賜死乙丑車騎將軍揚州刺史
安成王準進號驃騎大將軍開府儀同三司冬十月
辛酉以吏部尚書王僧虔為尚書左僕射是歲魏承

明元年太上獻文皇帝崩

五年春正月辛卯祠南郊夏四月甲戌豫州刺史阮佃夫步兵校尉申伯宗朱幼謀廢立事皆伏誅五月地震六月甲戌誅司徒長史沈勃散騎常侍杜幼文游擊將軍孫超之長水校尉杜叔文大赦七月戊子夜帝遇弒於仁壽殿時年十五癸丑皇太后令貶帝爲蒼梧郡王葬丹陽秣陵縣郊壇西初帝之生夕明帝夢一人乘馬馬無頭及後足有人爲明帝曰太子也及在東宮五六歲時始就書而情業好戲主師不能禁好緣漆帳竿去地丈餘如此者半食頃乃下年漸長喜怒乖節左右失盲者輒手加撲打徒跣蹲踞

以此爲常主師以白明帝帝輒勅帝所生嚴加捶訓
及嗣位內畏太后外憚諸大臣猶未得肆志自加元
服變態轉興三年秋冬間便好出遊行太妃每乘青
犢車隨柅檢攝帝漸自放逸太妃不能禁單將左右
棄部伍或十里或八市鄽遇慢罵則悅而受焉或往
營署日暮乃歸四年春夏彌數自京城剋定意志轉
驕無日不出與左右解僧智張互兒恒相馳逐夜出
開承明門夕去晨返或晨出暮還從者並執鉞才行
人男女及犬馬牛驢逢無免者若爲鬼神所憑人間
擾懼盡日不敢開門道上行人殆絕常着小襜未常
服衣冠或有忤意輒加虐害有白搭數十各有名號

鉗鑿錐鋸之類不離左右為擊腦插陰刺心剖腹之
誅日有數十常見卧屍流血然始為樂嘗以鐵錐錐人
陰破左右有斂眉者帝大怒令此人裸形正立以矛
刺洞之於曝靈殿上養驢數十頭所自乘馬養於御
牀側與左右衛翼輦營女子私通每從之遊持數千
錢為酒肉之費或單騎山遊逢人婚姻葬送輒就挽
歌與小兒同聚飲酒為樂阮佃夫腹心人張羊為佃
夫妾信佃夫敗叛走復捕得之帝自於承明殿前以
車轆殺之又殺杜延載杜幼文孫超皆躬運矛鋌三
自齧割刑及嬰孩察孫超有蒜氣剖腹視其所食執
杜幼文兄叔於玄武湖北帝馳馬執戰稍自往刺之

又好行盜掠時吳興沈勃多寶貨帝將數十人劫之
揮刀獨前左右未至勃時居喪在廬帝望見便投鉞
不中勃知不免手搏帝耳唾罵之曰汝罪逾桀紂屠
戮無日尋遂見害帝自齧割肌骨腸胃莫不分割又
制露車一乘施竿乘以出入從者不過數十人羽儀
追者恒不及又各慮禍亦不敢追唯整部伍別在一
處瞻望而已凡諸鄙事過目即能能鍛金銀裁衣作
帽莫不精絕嘗吹鳧執管便韻天性好殺以虐爲歡
一日無事輒慘慘不樂内外百司人不自保殿省憂
懼夕不及旦領軍將軍蕭道成與直閣將軍王劭則
謀之七月戊子帝微行出湖北單馬先走羽騎禁衛

隨後追之左右張互兒馬墜湖帝怒取馬置明光亭
前馳騎刺馬屠割之與左右作羌胡伎小樂又於崗
竊賭跳因乘露車從者二十餘人無復鹵簿羽儀往
青園尼寺新安寺偷狗就曇度道人煮之飲酒夕還
先是左右楊玉夫常得意而數日忽然見憎遇輒切
齒謂人曰明日當殺小子取肝肺玉夫大懼是夜七
夕令玉夫伺織女度報已因與內人穿針說大醉仁
壽殿東阿羶幄中時帝出入無怕省內諸閤夜間不
閉且廊下畏相連無敢出者宿衛內外無相禁攝王
敬則先結玉夫及餘左右陳奉伯楊萬年等合二十
五人其夕敬則出外玉夫候帝眠熟至二更與萬年

同入籠幄中取千牛刀行殺之

順帝

順皇帝諱準字仲謨小字智觀明帝第三子也泰始五年七月癸丑生七年封安城王拜撫軍將軍姿貌端華眉目如畫見者以爲神人廢帝即位加揚州刺史元徽二年加都督揚南豫二州諸軍事四年進號驃騎大將軍開府儀同三司給班劍三十人及廢帝崩蕭道成奉太后令迎王入居朝堂是歲魏太和元年昇平元年秋七月壬辰皇帝即位大赦改元賜文武位二等甲午鎮軍蕭道成出鎮東城輔政丙申征西大將軍荊州刺史沈攸之進號車騎大將軍開府儀

同三司加蕭道成司空錄尚書事以尚書令袁粲為
中書監以司徒褚彥回為衛軍將軍開府儀同三司
以撫軍劉彥節為尚書令加中軍將軍辛丑以尚書
左僕射王僧虔為尚書僕射癸卯車駕謁太廟八月
壬子遣使賑卹蠲除稅調癸亥司徒袁粲鎮石頭戊
子崇拜帝所生陳昭華為皇太后庚午司徒蕭道成
護職庚辰以為驃騎大將軍開府儀同三司錄尚書
如故九月己丑詔州郡搜揭幽仄乙酉廬陵王暕薨
冬十一月丁酉倭國遣使朝貢十二月丁巳荊州刺
史沈攸之舉兵不從執政丁卯蕭道成入守朝堂侍
中蕭嶷鎮東府戊辰中外纂嚴壬申司徒袁粲誅

蕭道成不果旋見覆滅甲戌大赦乙亥以僕射王僧
虔為左僕射除中書令王延之為右僕射吳郡太守
劉遐據郡不從執政輔國將軍張懷政斬之閏月辛
巳屯騎校尉王宜興貳於執政見誅癸亥沈攸之攻
圍郢城前軍長史柳世隆固守己亥中外戒嚴驃騎
大將軍蕭道成假黃鉞出新亭

二年春正月丁卯沈攸之自郢州奔散己巳華容縣
人斬攸之首送之辛未雍州刺史張劼兒剋江陵荆
州平景子戒嚴以新授侍中柳世隆為右僕射以蕭
道成旋領東府二月庚辰以王僧虔為尚書令右僕
射王延之為左僕射癸未以蕭道成加授太尉以衛

將軍褚彥回爲中書監丙申敕荊州西武撫軍楊州刺史晉熙王燮進號中軍開府儀同三司三月乙未日有蝕之夏四月南兗州刺史黃回貳于執政賜死五月戊午以倭國王武爲安東大將軍六月丁酉以輔國將軍楊文弘爲北秦州刺史封武都王九月乙酉朔日有蝕之丙午加太尉蕭道成黃鉞都督中外諸軍事爲太傅領揚州牧賜殊禮以揚州刺史晉安王燮爲司徒冬十月壬寅立皇后謝氏降死罪已下囚十一月壬子立故武昌太守劉琨息頒爲南豐縣王癸亥誅臨豐侯劉晃甲子改封南陽王翽爲隨郡王十二月丙戌皇后見于太廟是歲蠕蠕國高麗

倭國並遣使朝貢

三年春正月辛亥領軍蕭頤加尚書左僕射進號中
軍大將軍開府儀同三司二月丙子南豫州刺史邵陵
王友薨景申地震建陽門三月癸亥朔日有蝕之甲辰
加大傅蕭道成相國摠百揆封十郡為齊公備九錫
之禮庚戌誅臨川王綽夏四月壬申進齊公蕭道成
爵為王安西將軍武陵王薨夏五月癸亥帝禪位於齊王
壬辰遜于東邸是日王薨則以兵陳于殿庭帝猶居
於內聞之逃于佛堂下太后懼自劫閃豎索得帝焉
扶幸板輿黃門或促之帝志欲自盡之中項而殞帝
既出宮人行哭俱進太后有儀乘輿出東掖門問

今日何不委數以王... 汝陰王居丹徒... 年五月... 疾赴齊人德焉... 曰順帝宋之王侯無少長皆幽死矣

徐湛之

江湛

王僧綽

顏延之

臧質

魯爽

沈攸之

王僧達

顏峻

朱循之

宗慤

柳元景

顏師伯

沈慶之

蕭思話

劉延孫

劉秀之

顧琛

顧愷之

周朗

宗越

譚金

童太一

吳喜

黃回

鄧琬

劉胡

袁顛

孔顛

謝莊

王景文

殷孝祖

劉劭

蕭惠開

殷琰

薛安都

沈文秀

袁粲

何子平

王鎮之

阮長之

江秉之

陸徽

戴顛

周續之

王弘之

劉凝之

戴法興

阮佃夫

徐湛之字孝源東海鄉人司徒羨之兄孫祖欽之父

遠之尚高祖長女合稽長公主湛之幼孤為高祖所

愛常與江夏王義恭寢食不離帝側元嘉元年東宮

始建起家。襦太子。沈馬累遷太子詹事。加侍中高祖
微時自於新州代。获有納布衫襖。是勸皇后手自作
也。後文帝時。害彭城王義康等。長公主將擲殿前。以
示上曰。汝家本賤。實此是我母。為汝父作此納衣。今
日有一頓飽食。便欲殘害我兒子。上亦號哭。湛之由
此得全。湛之服色鮮麗。遊宴奢侈。時安成公何勗無忌
子也。臨汝公子孟靈休昶之子也。各奢豪。京師語曰。安
成食臨汝飾。湛之二事。兼美之。以范曄事發出。為南
兖州刺史。元嘉二十六年。入為丹陽尹。轉尚書僕射。
後與江湛竝居權要。世謂之江徐二宮。巫蠱事發。上
將廢劭。賜死。上與湛之等。連議不決。其夕。向日劭入。

殺文帝湛之趨北戶未及開而見害時年四十四世
祖即位追贈司空與王僧綽江湛三家詔加優卹常
給廩子恒之嗣

江湛字徽淵濟陽考城人也湘州刺史夷之子也好
學善彈碁鼓琴為著作累遷至侍中吏部尚書家貧
不營財利餉饋一無所受身無兼服餘食嘗為上召
值瀚衣稱疾經日衣成然後起及元兇入殺上湛省
中聞叫噪聲乃匿旁小屋劬遣收之據憲受害時年
四十六五子皆見殺世祖即位贈黃門侍郎
王僧綽瑯琊臨沂人少有大成之度衆以國器許之
年十三襲豫章侯尚太祖長女東陽獻公主累遷尚

書吏部郎叅掌選職藻品人物拔才舉能咸盡其分
拜侍中時年二十九太祖嘗以後事爲念大相付託
朝政大小皆與叅焉後元兇篡弒時文帝獨與僧綽
江湛之謀議未決明日元兇入宮害文帝而誅江徐
轉僧綽爲吏部尚書尋僧綽所啓廢諸王事乃收害
焉時年三十一以因此陷北第諸王侯以爲與僧綽
有異志也初太社西有空地一區吳時丁奉宅孫皓
流徙其家晉有江左初爲周顓蘇峻宅其後爲袁真
宅又爲章武王司馬秀宅皆凶敗後給與臧熹亦顓
遇喪禍世稱凶地王僧綽常以政達自居宅無吉凶
請爲予始就修築未居而敗子儉嗣爲齊尚書僕

顏延之字延年瑯琊臨沂人曾祖含父顥延之少孤
居貧自負南郭數頃室甚陋好讀書無所不覽文章
之美冠絕當時好飲酒不拘細行年三十猶未婚起
自豫章公世子叅軍累遷出爲始安太守徵入爲中
書侍郎後拜祕書監太祖賞愛釋惠琳嘗外獨榻延
之甚疾焉因醉白上曰昔予同泰乘素絲正色此三
台之座豈可刑餘名之姓其言無迴隱居身清約不
求財利布衣蔬食獨酌郊野元兇三以爲光祿大夫
子峻爲世祖南中郎世祖入臺書檄延之與靈運詞
彩齊而邊遠懸絕音俱入海機樂有北上篇延之立
成靈運久之乃竟問停爲於絕昭昭曰謝五言如

初發芙蓉自然可愛顏詩如鑠錫列繡亦彫績滿眼
世祖登位為令景光祿大夫卒是三年卒年七十三
贈特進自潘安陸接之後文之其及江左稱顏延之
謝靈運為之類也

臧質字含文東晉人父憲字義和敬皇后弟也嘗

與溧陽令阮瞻共獵直前獨射之應弦而倒質

少好鷹犬高祖即位累遷太子左衛率太祖即位魏

拓跋燾與質書曰爾不聞童謠云耶虜馬飲江水外

年佛狸死此真期使然非復人事也哉苦攻城三旬

不下虜乃退後元兗踐位以為丹陽尹後世祖時為

車騎將軍封始興公同南郡王義宣作逆以孝建元

年為沈慶之破於梁山軍敗南走追斬於南湖傳首

京師

魯爽小字女生扶風郿人也祖宗之晉末位至鎮北將軍封南陽公子執一名象齒爽之父也高祖初舉兵因擬走北盡室入羗中虜以執為荊州刺史世祖平元兇自表求歸宋元嘉二十八年執死爽代為荊州刺史鎮長杜幼染殊浴無華風使酒數有過失拓拔燾怒欲誅之爽懼因從拓拔遂與次第秀南歸世祖大悅以爽為征虜將軍司州刺史秀為輔國將軍子弟過者隨才遷用即元嘉二十八年也魏虜皆毀其墳二十九年入朝三十年元兇殺逆世祖平元兇

以爲左將軍南譙王義宣反與臧質謀舉兵稱建平
元年爽於是送所造服輿之江陵與義宣爲薛安都
破於小峴乃傳首京師

沈攸之字仲達吳興武康人也慶之從父兄子世祖
與元兇戰于新亭立功累遷左將軍晉世京邑二岸
揚州舊置都部從事分掌二縣非違孝建已來攸之
掌北岸會稽孔瓘掌南岸後罷之太宗即位四方多
叛攸之與王玄謀等南上平定進至夏口便有異圖
太祖崩與蔡興宗平桂陽王休範亂進位征南大將
軍開府儀同三司廢帝崩蕭道成輔政遣其子沈元
琰進父攸之爲車騎大將軍攸之曰吾寧爲王陵死

不作賈充生又太后賜收之燭十挺剖之得手令曰
國家之事悉以相委明日遂起兵初時有象三頭至
江陵城北數里收之自出將殺之忽有流矢集收之
馬鄣泥其後刺客事發廢帝殞順帝立收之遂發兵
戰士十萬鐵馬三千匹泗州刺史張劭兒等皆響應
至夏口沙門僧粲見收之發江陵筮曰必不至京邑
及攻郢城不下而潰走向江陵間城已為張劭兒所
據遂自縊死村人斬首傳送京師

王僧達瑯琊臨沂人太保弘之少子太祖聞僧達早
惠召見於德陽殿嘉之妻以臨川王義慶女少好學
善屬文為太子舍人坐廢逐而於揚州烈橋觀聞鴨為

有司所紂乃原不問永嘉三十年元元載逆世祖下
平元兇爲人所說歸世祖於魏頭拜長史及元兇平
累爲尚書右僕射轉護軍中書令尋出爲吳郡太守
使主簿劫東臺寺宮沙門得財數萬宅於吳坐免官
後竟因高閣事下獄死年三十六子道琰

顏峻字士遜瑯琊臨沂人光祿延之子太祖嘗問延
之曰卿諸子誰有卿風延之對曰峻得臣筆測得臣
文伯得臣義躍得臣酒何尚之朝曰誰得卿狂延之
曰不可及也峻爲世祖撫軍主簿補益悉心以平元
兇功遷侍中封達成侯轉吏部尚書留心選舉後謝
莊代峻領選峻容兒嚴毅莊風姿甚美賓客誼許常

微笑答之時人謂之語曰顏峻嗔而與人官謝莊笑而不與人官南郡王義宣反後遷領軍將軍尋代褚湛之爲丹陽尹以立議鵝眼纒環等錢加中書令後以切直諫爭又自爲恩舊莫以當務居中永執朝政而所陳多不被納遂求出爲東揚州刺史憂懼無計而每對親故言願言然而就朝事違謬人主得失及王僧達被誅陳峻意上遂使御史中丞庾徽之奏付廷尉治罪未即大戮且止更官後陳啓謝罪乞性命上愈怒以竟陵王義逆發因此陷之言通於誕詔下獄死從子辟強於交州道殺之

朱循之字恭祖平氏人父謏益州刺史循之自

州主簿累遷中郎將隨劉彥之征魏虜守滑臺為虜
所圍累月糧盡外援不至遂陷沒切母聞循之被圍
常悲憂忽一旦乳汁驚出母號慟告家人曰我年老
非復有乳今如此兒必沒矣後聞至循之果是此日
城陷拓拔劼嘉其守節以為侍中復鮮卑馮弘稱燕
王於黃龍拓拔壽伐之人遂說弘令循之歸求救乃
發使遂泛海未至東萊遇猛風船失拖海師慮向海
北垂長索舩乃正海師仰望見飛鳥知去岸近尋至
東萊郡元嘉九年至京師上以為黃門侍郎累遷江
夏內史元兗弒逆孝武即位為荊州刺史南郡王友
平後以功封南昌侯治身清治身清約法令嚴明尋

徵爲左民尚書轉領軍將軍去鎮秋毫無犯在州已
來不燃官燭油及牛馬食皆以私錢裨之然薄於恩
情姊在鄉里饑寒不立循之貴爲刺史未嘗供贍往
姊家姊爲設菜羹麤飯以激之循之曰此是貧家好
食進之致飽卒贈大將軍子雍嗣

宗慤字元幹南陽涅陽人叔父炳字少文高尚不仕
少時炳嘗問慤志答曰願乘長風破萬里浪炳曰汝
若不富貴必破我門戶也起爲輔國將軍叅軍十五
年不改官後除安西叅軍隨檀和之破林邑王范陽
邁傾國來逆以具裝被象慤以師子威服百獸乃製
其形與象相拒象見果驚奔敗賊衆潰遂剋林邑收

其珍異皆是未名之寶金銀各六萬兩太相嘉之以
爲南中郎諮議叅軍領中兵世祖即位累遷西平將
軍洸陽侯轉左衛將軍光祿大夫金章紫綬卒贈征
西將軍子元寶嗣

抑元景字孝仁河東野人也曾祖卓自本郡遷於襄
陽官至汝南太守祖恬西河太守父憑馮翊太守元
景少便弓馬以朝廷北伐爲中兵叅軍與薛安都破
魏軍入狐關前無堅敵遷寧朔將軍入爲世祖討元
兗爲前鋒宗慤薛安都等十三軍皆隸焉旣破元兗
於朱雀門進侍中前將軍雍州刺史曲江公以破義
宣臧質魯爽等於姑孰多張旗幟如開府改封巴東

公尋為驃騎大將軍南兗州刺史留衛京邑世祖遺
詔遷尚書令丹陽尹元景起自將帥及當朝有弘雅
之風多事產業居南岸有菜園數十畝後為廢帝所
害太宗即位追贈太尉

顏師伯字長淵瑯琊臨沂人東揚州刺史竣族兄也
父邵以謝晦敗服藥死師伯少孤涉獵書傳以安北
將軍入討元兇世祖即位遷黃門侍郎封平都縣子
以青州刺史大破魏虜斬河南公進吏部尚書世祖
崩受遺詔輔少主為尚書右僕射廢帝即位居權與
柳元景同誅年四十四七子皆見殺太宗即位贈太尉
沈慶之字弘先吳興武康人也兄敞之為趙倫之征

虜將軍慶之未冠隨鄉族擊孫恩屢捷後鄉族流散
慶之歸耕年四十未知名乃往襄陽省兄敞之倫之
見竒之令子伯符板爲中兵參軍後擅道濟稱於太
祖言其曉兵稍得接引出入禁省遂轉爲正員將軍
劉湛被收之夕召慶之慶之戎服履韎縛袴入上見
驚曰卿何故乃爾急裝慶之曰夜半喚隊主不容緩
服乃遣收吳興劉斌弒之後爲建威將軍遷世祖中
兵參軍隨西上平定諸山賊群蠻皆稽顙慶之先患
頭風好着狐皮帽群蠻惡之號曰蒼頭公每見慶之
軍輒懼口蒼頭公已復來矣元嘉二十七年太祖將
北伐以慶之爲步兵校尉慶之曰治國如治家耕當

問奴織當問婢陛下今欲伐人國而與白面書生輩
謀事何由濟上大笑及北伐果無功王玄謀等退虜
大進後隨世祖討淮汝蠻會元兗立慶之說世祖曰
蕭斌婦人不足數其餘皆易與耳遂與謀下平元兗
初慶之統諸軍事擊蠻從孝武至五洲元兗密與慶
之書令殺孝武慶之入孝武稱疾不見慶之突前以
元兗書呈孝武孝武泣求入內與母辭慶之曰下官
受先帝厚恩今日唯力是視殿下何疑帝再拜曰家
國安危悉在將軍即日勒兵處分主簿顏竣曰宜待
衆軍慶之曰方興大事而與黃口小兒叅預此禍至
矣宜斬以徇軍竣再拜慶之曰君但知筆札之事世

祖立以為領軍將軍南兖州刺史封南昌公鎮盱眙
及魯爽等反遣慶之與薛安都等往討之斬爽進慶
之鎮北大將軍尋與柳元景俱開府儀同三司封始
興公大明三年竟陵王誕據廣陵以慶之統諸軍平
廣陵進司空給吏五十人門施行馬慶之居在西明
門外有宅四所又有園在婁湖世祖崩受遺詔廢帝
即位加几杖給三望車進太尉帝使慶之從子攸之
齋藥酒飲死之年八十贈太尉
蕭思話南蘭陵人也孝懿皇后弟子也父原瑯瑯太
守思話年十五未知書以遨遊為意好騎射侵暴隣
里患之自爾折節數年遂有令譽世書史善彈琴時

高祖一見便以國器許之頗能諫畫曰解音律年十八
除大司馬叅軍累遷至振威將軍告州刺史以虜酋
寇退鎮徵下廷尉初在青州嘗用銅斗覆在藥厨下
忽於斗下得二死雀思話歎曰斗覆而雙雀殞其不
祥乎旣而被繫時氏帥楊難當寇漢中起為橫野將
軍梁秦二州刺史遂殺難當平漢中元嘉二十三年
除侍中左衛將軍嘗從太祖登鍾山北嶺中道有盤
石清泉上使於石上彈琴因賜銀鍾酒而謂曰相賞
有松石間意思話以去州無復事力借府庫九人太
祖戲之曰文人終不為田父於里問何憂無人使耶
元兗滅立以為徐兗二州刺史思話率部曲歸彭城

以應世祖世祖登位徵為中書令丹陽尹以外戚令
望歷十二州杖節監督者九焉長子惠開

劉延孫彭城呂梁人也雍州刺史道產子舉秀才累
遷世祖侍中前軍將軍封東昌侯轉尚書右僕射延
孫病不任拜起上使乘板舩自溪至平昌門入尚書
明年乃卒贈司徒

劉秀之字道寂東莞莒人司徒穆之從兄子世居京
口祖爽山陰令父仲道餘姚令秀之少孤嘗與諸兒
戲廳前忽有大蛇來勢甚猛皆驚呼而走秀之不動
何承天以女妻之自建康令累遷至益州刺史元兗
平復以破南譙王功封康樂侯進丹陽尹初從叔父

穆之為丹陽尹令子弟皆於廳事飲宴謂諸子弟曰
爾試以栗遙擲柱孔中者後必得此郡唯秀之獨中
焉後果然以廣陵王平後進尚書左僕射為安北將
軍雍州刺史卒贈司空

顧琛字弘璋吳郡人曾祖和祖履之父琛不好浮華
以尚書庫部郎至常侍年八十六

顧愷之字偉仁吳郡人也高祖諡字公諱為平原內
史陸機姊夫父黃老愷之初為郡主簿遷護軍司馬
時彭城王義康與弟劉劭著遂辭脚免之每夜於牀
上行脚家人異之莫曉其意及義康徙廢朝廷多受
禍愷之音免後起江陰令累遷石光祿大夫愷之心

跡全清獨無所豫太祖甚嘉之轉左將軍湘州刺史
家門雍穆有五子約縝綽緹時綽豐財民多負債
愷之召收其文契皆燒之宣言遠近負二郎債皆不
須還後卒于湘州謚曰簡子

周勔字義利汝南安城人父淳官至侍中兄嶠尚高
祖女宣城公主有二女妻建平王宏廬陵王禕勔少
愛竒初為江夏王義恭太尉叅軍累遷廬陵內史因
獵火逸燒郡廨屋以私秩償修之後坐母憂誣失孝
行遷寧州道殺之

宗越南陽葉人也本河南晉亂徙南陽因為縣人安
北將軍趙倫之鎮襄陽使長史范凱之修次氏族辯

高卑因爲凱之黜以役門出補郡吏父爲蠻所殺後
市中得讎人刺殺之世祖鎮襄陽累用爲揚武將軍
領隊主元嘉二十八年啓太祖求復次門移戶屬冠
軍縣許之世祖即位頻破反逆累遷司州刺史前廢
帝以爲游擊將軍越等既爲廢帝盡心及太宗即位
不自安謀作難沈攸之白帝收越下獄死之越善立
營陣好殺害御衆嚴酷動用軍法時王玄謀御下亦
少恩將士謂之語曰寧作五年徒不逢王玄謀玄謀
猶尚可宗越更殺我

譚金南荒中僮人也常隨薛安都征伐以功共破元
完梁山遂遷屯騎校尉廢帝時郡公金爲所用封平

都縣男

童太一東菅人也官至大將軍而與宗越同死

吳喜吳興臨安人也本名喜公太宗改爲喜初出身
爲領軍府白衣沈演之爲領軍將軍進爲主圖令史
世祖卽位遷河東太守太宗卽位以四方叛逆假建威
將軍簡羽林勇士配之喜與宗越討平定荊州遷前
將軍恣意剽虜後尋賜死於所居及死發詔賻贈極厚
黃回音陵郡軍人也出身充郡府雜役及臧質臨郡
而討元兇回隨質有功免軍戶又隨質往江州擢爲
隊主自質反梁山敗走遇赦原委任如初後累功至
太宗卽位四方叛以回爲河朔將軍使募江西楚人

得八百隸劉劭西討累遷為將校尉封葛陽侯廢帝
元徽初桂陽王休範為逆回隸蕭道成於新亭有功
轉驍騎將軍封聞喜侯及破侯景累遷右衛將軍後
沈攸之反為平西將軍郢州刺史未發在新亭而與
袁粲等謀攻臺城討齊王道成不果齊王撫之如舊
攸之平後率眾還封安陸郡公鎮北將軍南兖州刺
史尋被齊王表其罪詔誅之

鄧琬字元琰豫章南昌人父胤之光祿勳琬初為南海
太守累遷晉安王子勛鎮軍長史尋陽內史行江州事
前廢帝狂悖景和元年十一月子勛即日戒嚴戎服出
聽事集寮佐議廢帝自立明使宣告內外馳檄遠邇以謀

王室左右贊成以琬為前鋒軍掌內外及太祖殺帝定
位使子勛子勛不受命徵兵四方遂會同逆宗室王公
皆會建牙於鵲尾傳檄四方及京師購太宗萬戶侯餘
各有差琬乃稱說符瑞造輿服以泰始二年正月七日子
勛即偽位於尋陽城以景和
義嘉元年子勛

平琬亦為張悅伏甲斬首送建業

劉胡南陽涅陽人也本名坳胡以其面坳黑似胡故
名坳胡後單名胡焉出身郡將稍至隊主口善處分
討伐諸蠻往無不捷明帝即位除越騎校尉同登琬
反立子勛為太子軍敗走竟陵引刀自刺蠻人至今
畏之小兒啼語曰劉胡來便止

袁顓字國章陳郡陽夏人太尉淑兄子也父珣吳郡太守顓爲太子洗馬累遷吏部尚書封新塗縣子前廢帝深重之俄而意趣乖異寵待頓衰恐禍及求出沈慶之爲言出爲雍梁四州領寧蠻校尉雍州刺史顓舅蔡興宗謂之曰襄陽星惡豈可冒邪顓曰白刃交前不救流矢今者之行本願生出彪口且天道遼遠何必皆驗如其有徵當修德以禳之於是狼狽上路恒慮見追行至尋陽曰今知免矣與鄧琬歎狎每清閑必盡日窮夜顓與琬人地本殊衆知有異志矣顓遂謀與鄧琬劉胡詐被皇太后令使起兵建牙奉晉安王子勛即大位進顓爲安北將軍率樓船千艘及戰士二萬來入鵠

尾尋而劉胡叛走顓尋亦遁走至鵲頭鵲頭戍主薛伯珍殺顓而傳首詣軍主顓年四十七太宗流其屍於江弟子彖密致喪於石頭後崗諸子悉誅

孔顓字思遠會稽山陰人父邈顓少骨鯁有風力以是非為己任早知名舉揚州秀才累遷至尋陽王子房右軍長史太宗即位徵為詹事時上流多叛使都水使者孔瑛入東慰勞瑛既至而說顓言廢帝侈費國家傾危使其舉兵顓從之遂起兵檄四方以秦始二年正月顓子弟在京者皆逃還顓為前鋒度浙江吳興太守王曇義興太守劉延熙晉陵太守袁標等一時響應太宗使建威將軍沈懷明巴陵王休若等

統軍東討諸軍散進大破之皆斬首京邑及蕭道成
張永繼進大破之於晉陵而顛衆散竄于山嶠爲村
人所縛詣上虞令王宴宴斬首孔瑯亦被殺顛臨死
索酒曰此是平生所好死時五十一

謝莊字希逸陳郡人太常弘微子也七歲屬文長美
容儀太祖異之顧僕射昺景仁曰藍田生玉豈虛哉
爲始興王濬法曹叅軍分左氏經傳隨國立篇製木
方丈圖山川土地各有分理離之則州郡殊別合之
則寓內爲一元嘉二十七年累遷太子中庶子時南
平王鑠獻赤鸚鵡普詔群臣爲賦太子左衛率袁淑
見而歎曰江東無我卿當獨秀我若無卿亦一時之

傑也初孝武嘗問顏延之曰謝希逸月賦何如延之答曰美則美矣但莊始知隔千里兮共明月帝召莊以延之答語莊莊應聲答曰延之曾作秋胡詩始知生爲久離別沒爲長不歸帝撫掌音曰世祖平元兇累拜侍中右衛將軍平時以搜材路狹乃上表言之尋轉吏部尚書居選部與江夏王書固辭帝以爲吏部猶輕下詔於是置吏部尚書二人省五兵尚書莊與度支尚書顧愷之並補選部職時河南獻舞馬使莊作舞馬賦又作舞馬歌令樂府歌之遷侍中領前將軍及廢帝即位進金紫光祿大夫太宗即位轉中書令年三十六卒所著文章四百餘首長子颺晉平太守女爲順帝后

莊有五子颺、肅、顥、從、瀹。世謂莊名子以風月。景山水
初莊爲孝武殷淑妃誅而用漢昭事。云贊軌堯門廢
帝在東宮銜之。及即位召問謂莊曰：卿昔作殷淑妃
誅，頗知有東宮否？將誅之，留尚方。太宗即位乃出之。
王景文，瑯琊臨沂人也。名與明帝同諱。景文其字也。
父僧卽官至尚書右僕射。景文美風姿，好言玄理。少
與謝莊齊名起家。太子太傅主簿。累遷右僕射。景和
元年，太宗即位，平定四方，徵爲左僕射，領吏部。爲揚
州刺史，封江安侯。加詹事常侍。如故時東宮詹事用
人雖美，職次止可比中書令。又進領太子太傅常侍。
僕射揚州。如故。景文固辭太傅，上遣僕射褚淵宣旨。

以古來此例大事詰難之不得已乃受拜時太子及諸皇子並小上稍爲身後之計諸將帥及喜壽寂之徒慮其不能奉幼主並殺之時景文外戚貴盛求解揚州上詔答之上既有疾慮一旦晏駕皇后臨朝則景文自然成宰相門族彊盛藉元舅之重歲暮不爲純臣泰豫元年中夜對客棊賜藥酒死

殷孝祖陳郡長平人也曾祖羨晉光祿勳父祖官並不達孝祖少誕節好酒色有氣幹世祖即位以爲積射將軍頻大破逆黨前廢帝景和元年遷兗州刺史太宗即位四方叛累遷冠軍將軍督前鋒諸軍事先有諸葛亮箭袖鎧鐵帽二十五石弩射之不能入上

悉以賜孝祖泰始二年三月三日與賊合戰於轆坊
以鼓蓋自隨軍中人相謂曰殷統軍可謂死將矣今
與賊交鋒而以羽儀自標顯若射者十手攢射欲不
斃得乎是日中流矢死追贈建安縣侯謚曰忠

劉劭字伯猷彭城安上里人也祖懷義父穎之汝南
太守劭少有志節兼好文義家貧爲廣州增城令奉
使詣京都太祖引見之酬對稱旨除寧遠將軍太宗
即位四方反叛征討有功拜散騎常侍中領軍太宗
崩命爲尚書右僕射兼左僕射加六百人後桂陽王
休範爲亂奄王京邑加劭領軍置佐吏鎮石頭與賊
戰朱崔航南擊賊臨陣死贈司空子俊嗣

蕭惠開南蘭陵人也惠開之子初名開後改爲惠開少
有風義涉獵文史家雖貴戚而居服簡素初爲祕書
郎累遷黃門侍郎丁父艱居喪有孝性家素事佛凡
爲父造四寺南崗下名曰禪崗寺於曲阿舊鄉宅名
曰禪鄉寺於京口墓亭名曰禪亭寺於所封邑封陽
縣名曰禪封寺專除襲封侯妹適桂陽王休範女又
適世祖子發乃爲豫章內史入爲御史中丞益寧二
州刺史惠開素有大志至蜀廣樹恩德太宗即位進
號征西將軍以晉安王子勳逆事故明帝遣宗人寶
首水路慰勞六年除少府不得志寺內所住齋前種
萱草甚美惠開悉剷除別種白楊年四十九卒子溝嗣

鄒瑛字敬珉陳郡長平人父道鸞右軍長史瑛少爲
太祖所知初爲江夏王征北參軍累遷豫州刺史時
晉安王子勛叛以瑛爲司馬不與同逆而土人前將
軍杜叔寶又逼之瑛不得已而同之及劉劭破諸逆
而上使王道隆齎詔宥瑛罪及與瑛書化令歸順云
足下明識淵見想必不使終日瑛本無反心事由力
屈時杜叔寶亦有降意又遣瑛勸乘長圍并用草茅
苞土本以塞塹城上以火箭射之盡去及後土續至
塹欲滿城內以鐵珠滾之珠流遂得入軍於是火燃
草盡及尋陽遂降諸將而餘將皆死並無宥之無所
誅戮後除少府卒初在青島城內百姓懷其德

薛安都河東汾陰人也世為郡族姓有三千家父
廣為宗豪宋高祖定關河以廣為上黨太守安都少以
勇聞身長七尺八寸便弓馬為燕雍二州都督虜主
拓跋壽擊芮芮敗安都走燕雍得弘農歸國太祖延
見之求北合上肩河使招聚義眾上許之為建武將軍
弘農太守所向剋捷而在抑元景傳及世祖下平元
兗除右將軍率所部騎前鋒直入殿庭賊數百人一
見奔散以功封南鄉男初征關陝至曰口夢仰頭視
天正見天門開謂左右曰天門開乃中興之象及魯
爽叛上遣安都率步騎據歷陽追爽至小岷刺爽斬
之爽世號驍勇生習戰陣咸言萬人敵安都單騎直

入斬之而返時人去關羽斬顏良不之過也進爵為
侯以景和初為平北將軍徐州刺史太宗即位安都
將舉兵同晉安王子勛為逆太宗使沈攸之張永以
重兵迎之安都慮不免罪遂降魏虜魏虜遣將救之
永等退虜授安都徐州刺史封河東公詔還桑乾後
數年死在虜中時年六十

沈文秀字仲遠吳興武康人司空慶之之弟子父劭
文秀以慶之貴後累遷青州刺史時前廢帝狂悖內
外憂危文秀將之鎮部曲出屯白下乃說慶之因此
衆力圖之慶之不從後廢帝果殺慶之又遣直閤江
方興領兵誅文秀兵未至太宗已定亂時晉安王子勛

反朝廷徵兵於文秀文秀遣劉彌之三軍赴朝廷時薛
安都已同子勛反遣使要文秀文秀即令彌之迴應
安都彌之尋歸順則北海平原清河等並起義兵推
文秀爲主進軍尋陽平定太宗遣尚書崔元孫慰勞
諸義兵遣文秀弟文炳持詔赦文秀罪後破虜軍太
宗進號右將軍封新城侯魏圍青州久之太宗遣兵
並不敢進乃爲虜所陷文秀被圍三載外無援士卒
爲之用命無敢叛者日夜戰鬥甲冑生蟣虱五年
正月爲虜陷敗之日解釋戎服夜緩服命左右取所
持節虜旣入城兵刃交至問曰青州刺史沈文秀厲
聲曰身在因囚執之出剥衣服將見白曜於城西南

角樓偏溥令拜之文秀曰各爲二國大臣無相拜禮
曜命還衣服設酒食送桑乾十九年齊元明四年病
死年六十一

袁粲字景倩陳郡楊夏人也太尉淑兄子父濯揚州
秀才早卒祖哀其幼居名曰愍孫時伯叔並當世榮
顯而愍孫飢寒不足母瑯琊王氏太尉長史誕之女
躬事紡績以供朝夕愍孫少好學有清才早以立操
見知初爲揚州從事及世祖即位累遷侍中吏部尚
書粲嘗爲海陵太守在郡夢日墮其背上自驚覺尋
被徵管機密粲少有風操嘗著妙德先生傳以續嵇
康高士傳其文略曰有妙德先生陳國人也嘗謂人

曰昔有一國國中有一水號曰狂泉國人飲此水無
不狂惟國君穿井而汲獨得無恙國人既並狂反謂
國主之不狂爲狂於是聚謀共執國主療其狂疾火
艾針藥莫不畢具國主不任其苦於是到泉所酌水
飲之飲畢便狂君臣大小其狂若一衆乃歡然我既
不狂難以獨立比亦欲試飲此水矣世祖時求改名
絜不許明帝時改爲絜字景倩焉後遷領軍將軍仗
士三十人入六門轉尚書僕射領吏部復加中書令
上於華林園茅堂講周易絜爲執經又知東宮事七
年遷尚書令太宗崩與褚淵等受遺顧命加班劔給
鼓吹後廢帝即位丁母憂葬畢攝令親職加衛軍將

軍不受中使相望終不啗人性至孝居喪毀甚及桂陽
王休範為逆粲扶曳入殿詔加兵自衛置左史及賊
至掖門粲曰孤子受先帝顧託本以死報今日當與
褚護軍同死社稷因命左右被馬辭色尤壯陳顯達
等感激出戰賊平後授中書監即號開府領司徒以
揚州廨為府固不肯移終服乃受命時粲與蕭道成
褚淵劉道遷日入直平波萬機時謂之四貴粲閑默
寡言不肯當事主書每往諮決或高詠對之時立一
意則衆莫能改好飲酒吟諷獨酌庭中以此自適順
帝即位遷中書監司徒侍中如故時齊王居東府使
粲鎮石頭望氣者曰石頭氣甚凶往必有禍粲不答

又給油絡通懺車仗士五十人時齊王功高德重天命有歸祭自以身受顧命不致事二姓密有異圖遂與丹陽尹劉秉王蘊結及諸將帥黃回等遂以昇明元年與荊州刺史沈攸之舉兵反剋日矯太后令使蘊伯興等率宿衛兵攻齊王於朝堂回等皆外來應未及夜而劉秉等燒齊王卷就祭事泄王蘊聞劉秉已奔曰今年事敗矣乃為齊王所破收蘊伯興斬之使軍王戴僧靜與薛淵等攻圍祭子最獨衛祭為僧靜等斬之父子俱死年五十八齊永明初詔改葬祭等初宋太宗時祭與蕭惠開周卽同車行逢大航開馬惠開自照鏡曰無年可仕卽執鏡曰視死如歸

蔡最後曰當至三公而不終果各如其言

何子平廬江瀟人也以元兗平後為海虞令縣祿唯
供養母一身不以及妻子人或疑其儉薄子平曰祿
本在養親不在為己問者慙退母亡以喪亂之年未
及葬常悲慟不絕所居屋敗不蔽風雨兄子伯與將
伐茅草為葺之子平不肯曰我情事未申天地一罪
人耳屋何宜覆昇平初乃卒

王鎮之字伯重瑯琊臨沂人也曾祖廙父隨之鎮之
初為剡上虞今累有清績遷廣州刺史高祖謂曰鎮
之少著清績必將繼美矣隱嶺南之弊非此人不康
後至祠部尚書

阮長之字茂景陳留尉氏人也祖思曠金紫光祿大夫父普之長之初爲諸府參軍遷臨海太守母亡不勝憂時郡縣田祿以芒種爲斷此前去官者則一年秩祿皆入後人此後去官者則一年秩祿皆入前人始以元嘉末改此科計日分祿長之嘗爲武昌太守去郡代人未至以芒種前一日解印綬去發京師親故或以器物贈別得便結綬後歸悉還元嘉十一年卒江秉之字玄叔濟陽考城人也祖道晉太帝父纂給事中秉之少孤宋受禪以山陰令累拜臨海太守初山陰爲劇縣人戶三萬政事繁擾秉之御繁以簡常得無事乃至臨海卒所得秩悉散之親故妻子等常

不免飢寒有勸營田者秉之正色答曰食祿之家豈
可與農人競利在郡作書案一枚及去官留付郡庫
陸徽字休猷吳郡人也辟令主簿累遷平越中郎將
廣州刺史薦士於朝廷曰日聞霜凌茂穎貞柯必振
風漾長波清流欺挹是以素盞揮譽於西京韓延播德
於東夏伏見廣州別駕從事朱万嗣字少豫年五十
治業冲夷秉操堅白行稱私庭能著官政民非世祿
官無通資後丁母憂卒

戴顓字仲若譙郡鍾人也父達兄勃並隱遁有高名
顓年十六遭父憂幾於毀滅以父不仕復脩其業父
善琴書顓竝傳之會稽剡縣多名山故世居剡下顓

及兄勃竝受琴於父父沒所傳之聲不忍復奏與兄
勃各造新弄勃制五部顥制十五部又自制長弄一
部並傳於世後遊桐廬又多名山兄弟因居焉勃病
桐廬僻遠難以養疾乃出居吳下吳下居人共爲築
室乃述莊周大旨著逍遙論注禮記中庸篇三吳將
守要同遊野澤堪行便去不爲矯介高祖命爲太尉
參軍後累徵不起元嘉初又徵爲常侍不起後衛湯
王羲季鎮京口長史孫劭迎顥于黃鵠山之竹林精
舍林澗甚美顥因憇于此澗常爲羲季彈琴其三調
遊絃廣陵上息皆新聲與世異太祖每欲見之嘗謂
黃門侍郎張敷曰吾東巡之日當宴於戴公山下也

自漢世始有佛像形制未工顯特善其事宋世子鑄
丈六銅像於瓦官寺既成時議面恨瘦工人不能改
顯曰非面瘦臂胛肥耳及減臂胛患即除無不歎服
元嘉十八年卒年六十四

周續之字道祖雁門廣武人也年十二從豫章太守
范甯受業居學數年通五經五緯號曰十經名冠當
時同門稱爲顏子閑居讀易老入廬山事沙門惠遠
時彭城劉遺民遁廬山陶淵明亦居彭澤山時謂之
尋陽三隱續之終身不娶好遊名山注嵇康高士傳
高祖即位乃召之上爲開館東郭外招集生徒乘興
臨幸後疾居鍾山卒通詩六義及禮論注公羊傳皆

行於世

王弘之字方平宣訓衛尉鎮之弟也少孤從叔獻之
重焉晉隆安中爲司徒主簿性好山水病歸時殷仲
文還姑孰相譙要弘之送別弘之曰凡祖離送別必
在有情下官與殷風馬不接無緣扈從譙貴其言家
在會稽上虞從兄敬弘爲右僕射嘗解貂裘乞弘之
弘之即着以採藥性好釣上虞江有一處名三石頭
弘之嘗垂輪於此經過者不識之或問漁師得魚賣
不弘之曰亦自不得得亦不賣日夕載魚入上虞郭
經親故門各留一兩頭置門內而去始寧沃川有佳
山水弘之又依巖築室謝靈運顏延之並相欽重焉

元嘉四年卒子曇生

劉凝之字志安小名長年南郡枝江人父期公衡陽太守兄盛公高尚不仕凝之少慕老萊嚴子陵爲人立屋野外非力不食妻梁氏不慕榮華夫妻共乘薄笨車入市買易周用之外輒以施人數徵不起爲村里所誣一年三輸公調求輒與之時荊州飢衡陽王義季遺錢十萬凝之得大喜將錢至市門覩有飢色者悉分與之好山水一旦泛江湖隱於衡山高嶺絕人事以元嘉二十五年卒

戴法興會稽山陰人也家貧父碩子以販紵爲業法興與二兄延壽延興並脩慕學延壽善書法興好學

山陰有陳戴者家富有錢三千萬鄉人盛云戴碩子
三男敵陳戴三千萬錢法興少賣葛於山陰市後爲
世祖征虜記室使典籤世祖即位累遷至南臺御史
同中書舍人轉給事中太子放賁中郎將專管內
權重當時家累千金廢帝即位遷騎校尉時巢出
爲始興王濬侍讀轉至中書與法興執權威行內外
帝未親萬機凡詔勅悉決法興手尚書中事無文
專斷之顏師伯江夏王義恭皆空名而已後爲閹人
華屢兒鬼謀言於上云百姓以法興爲真天子帝怒
免官遠田里賜死巢尚之出爲新安太守卒
阮佃夫會稽諸暨人也元嘉中出身爲臺小吏太宗

初出閣選爲主衣景和末太宗被拘於殿內住在祕書省爲帝所疑大禍將至其夜佃夫與王道隆李道兒等謀共廢立時景和元年帝出華林堂後園射佃夫與內官侍衛連謀殺帝於華林園堂中建安王休範山陽王祐時隨帝在堂覺奔景陽山太宗即位論功封佃夫建成侯佃夫與王道隆楊運長等並執權亞人主方於巢戴燕如也宅舍園池諸王莫比奢侈羅錦女妓冠絕每製一衣一物京邑莫不法効焉於宅間瀆東出十許里塘岸齊整每奏女樂泛輕舟若有賓客十數時至於珍羞必備佃夫僕從附隸皆受不次之位而捉車人虎賁中郎將傍馬者負外郎太

宗崩廢帝即位佃夫權任轉重元徽初遷黃門侍郎
尋拜冠軍將軍南豫州刺史仍管內任時廢帝猖狂
逃走無度內外惶懼佃夫密與直閤將軍申伯宗步
兵校尉朱幼干天寶等謀因帝出江乘射雉執廢之
而立安成王會帝不成向江乘其事不行干天寶以
其謀告帝乃收佃夫伯宗幼等賜死

晉義熙十三年嵩山獲玉璧二十二沙門法稱曰璧
劉氏卜世之數也本志曰三十年一世三十二者二
世也宋有天下實六十初零陵作官不得終為黔首
而宋氏八帝遺命者五主存命者三君往復報施如
斯之疾也謂天蓋高何其察也宋高祖武皇帝以蓋

世雄才起匹夫而并六合剋國得雋竒略多於魏武
施功天下盛德厚於晉宣懷荒伐叛之勞夷邊蕩險
之力百戰百勝有可得而論者矣拔足行間却孫恩
蟻聚之衆一朝奮臂掃柏玄盤石之宗萬軌長驅則
三齊無堅壘迴戈五兵內起則丘嶺靡餘妖殘孽命
孫秀高於巨海之上而番禺席卷擢朱齡石於百夫
之下而庸蜀來王羗胡畏威交爲表裏董率虎旅以
俟中原石門鉅野之隘指麾開闢鵠頭灞上之阻曾
莫藩籬虜其酋豪遷其重寶登未央而灑酒過長陵
而下拜盛矣哉悠悠百年未之有也於是倒載干戈
休兵四水彤弓納陛肇有宋都然後請號上帝步躡

前王零陵去之而無猜心高祖受之而無愧色古之
所謂義取天下者斯之謂焉其提挈創業則魏孟何
劉輔相揔持則穆之徐羨鎮惡道濟經其武傅亮謝
晦緯其文長沙以家第共艱難烈武以清貧定南楚
其他胥附奔走雲霧霧集若榱椽之今上御名大厦衆星之
仰河漢或取之於民譽或得之於未名群材必呈智
能咸効爵不妄加官不私謁晉末以荒淫混亂阿黨
容縱莫不掃蕩革易與之更始君行卑而威不爲奢
民勤成而下無怨讟品令宥密賞罰端平遠無不懷
邇無不附屬爲郡縣者則南過交趾西苞劔閣北劃
六而境東海七分天下而復其四永初末歲天子

負衆矜懷以燕伐戎幄岐梁重梗將誓六師屠桑乾
而境北狄三事大夫顧相謂曰待夫振旅凱入乘轅
南返請具銀繩瓊檢昭告東嶽既而洮獯不興即年
厭世榮陽狎子不訓以敗皇輿太祖寬肅宣惠大成
先志表越二昆來膺寶命沉明內斷不欲由竇氏堯
權逼使芒刺在躬親臨朝政率遵恭法斟酌先王之
典弘宣當世之宜民樂其生鮮陷刑辟仁厚之化既
以播流率土欣欣無思不悅每車駕巡幸簫鼓所聞
百姓皆扶老携幼想望儀形愛之樂之孜孜如不足
爾初徐傳伏誅繼求內相王弘處之而思降彭城欲
之而不違王華劾景仁以中熙帝載謝弘徵王曇首

以沉密贊極機徐湛之江湛王僧綽以體國彰義正
謝方明劉道產以德愛稱良能高間則王全明清貴
則方續文章則顏延之謝靈運有命世之巨才儒雅
則裴荀何傳爲師表之高學則徐亮骨鯁則袁粲粲
子廣建言忠益則范泰何尚之其宗室藩翰帝弟帝
子江夏衡陽南平廬陵隋王建平臨川新渝或倩令
夷宵或文敏沾洽皆博愛以禮率土明美流譽三四
十年爲多士矣上亦蘊藉義文思弘儒術庠序建於
國都四學分於家巷天子乃移蹕下輦以從之東臬
宴語以觀之莫不敦閱詩書沐浴禮義淑慎規矩斐
然回風其行脩言道者然後登朝受職威儀輕佻者

不齒於鄉閭公宮非儼羽不來庭私家非軒蓋不逾
國冠冕以之雍容如也於是文教旣興武功亦慕命
將受律指日如期擅蕭薄伐則南澄象酒劉裴爰整
則四踐仇池良駒巨象充塞外旣竒琛寶貨下建百
寮禽獸草木之瑞月有六七繩山航海之譯歲且十
餘江東已來有國有家豐功茂德未有如斯盛者也
然值北方彊周韓歲擾金墉虎牢代有得失二十七
年偏師剋復河南橫挑彊胡百萬之衆匈奴遂跨彭
澤航淮浦設穹廬於瓜步請公主以和親于時精兵
猛將嬰城而不敢關謀且智士折撓而無所稱天子
三朝燕饗單于臨江高會於是起盡室之財軸艦千

聖緣江而陣我守既嚴胡兵亦急且知大川所以限
南北也疲老而歸退我追奔之師橐弓裹足係虜之
民流離道路江淮已北蕭然矣重以含章巫蠱始自
三逆殿殺酷帝史之于聞仲尼以為非一朝一夕之
故其所由來者漸矣由辯之不早辯也世祖率先九
牧大雪冤耻身當歷數正位震居聰明徇達博文彊
識威可以整法智足以勝姦人君之略幾殆備矣時
之風流領袖則謝莊何偃王元長蔡興宗袁顛袁粲
劉渙將則沈慶之柳元景宗愨朱循之或清華以秀
雅或驍果以生類固以軌道廊廟之中方駕向時之
二三頭城經綸忠烈乃躬諒直雖晉之孤趙無以尚

焉帝即位二三年間方逞其欲言拒諫違天下夫望
而有世祖才明少以禮度自肅思武皇之節儉追
太祖之寬恕則漢之文景曾何足論景和申之以濞
虐太宗易之以昏縱師旅荐興邊鄙感迫人懷苟且
朝無紀綱內寵方議其安外物已覩其敗矣世祖登
遐既委重於二戴太宗晏駕亦託孤於王阮溝近之
道歸沖人之豐如一然宋祚未絕於永光重以宗之
見窘水德遂亡實由彊臣之受辱且顧命群公從容
自若懦伊霍之機倚靡唐虞之際於是蔚炳骨變命
就遷俯仰之間興衰易觀之矣周自平王東遷崎嶇
河洛其後二十四世而赧始亡之漢自章和既降顛

覆闡豎其後百有餘載而獻始禪之何則周漢靈長
如彼難拔近代脆從若此易崩非徒天時有人事矣
聞鴻荒者難為慮因成事者易為力曹馬規模懸乎
前載苟有斯會實啓英雄而况太宗為之驅除先顛
其本根既蹙枝葉自摧斯則始於人事者昔二代將亡
殷辛夏桀相去數百年間異代而復出宋自景和元
徽首尾不能十載而除過於兩君斯則天之所棄於
前三也天意人事其微如是雖欲勿喪其可得乎若
乃極厥塗炭馭逆取欲者湯武之功也鋤當路飾揖
讓之名者近代之事也豈應天從民道有優劣故宗
廟社稷修短有數乎不然何則殊途緬邈如斯之遠

也夫山嶽崩頽必有朽壤之隙春秋迭代必有去故
之悲是以臨危亡而撫運不有不扼腕留連者也古
之弊化薄俗行乎宋氏宋氏成敗得失驗乎行事設
而言之載于篇藉矣繫叙其所創業垂統而懷其舊
俗遺風餘烈將不啻然建乎賢人君子英聲餘論以
附于茲子野祖宋中大夫西鄉侯以文帝十三受詔
撰起居注十六年重被詔續成何承天宋書其年終
于位書則未遑述作齊興後十餘年定之新史既行
於世子野生乎太始之季長於永明之間家有舊書
聞見交接是以不量深淺因宗之新史以爲宋略二
十卷篇剪裁繁文刪削要即其簡宣志以爲名著

夫黜惡彰善職否與奪則質以先達格言不有私也
豈以勤成一家貽之好事蓋司典之後而不敢忘焉
裴子野曰余齊末無事聊撰此書近史易行頗見傳
寫比更尋讀繁穢猶多微重刊削尚未為詳定

建康實錄卷第十四



建康實錄卷第十五



齊上



太祖高皇帝



太祖高皇帝姓蕭諱遜成字紹伯小名_名將漢相國
 何二十四代孫何初居沛何孫侍中彪免官居東海
 蘭陵縣中都里晉元康元年乃分東海為蘭陵郡中
 朝亂帝四世祖淮陰人_名整過江居晉陵武進縣僑而置
 本上加以南名於是為南蘭陵人也皇考承之字_名
 伯少有大志而才力過人初為宋建威大將軍府參
 軍累遷漢中太守追破主帥楊難當於峨山乃平梁
 州入為右軍將軍元嘉二十五年梁土思之為於峨
 山立廟太祖以宋元嘉四年丁卯歲生姿表英異龍

顏鍾聲麟文遍體年十三從雷次宗學於鷄籠山受
禮及左氏春秋二十三年隨戍沔口初為左軍中兵
叅軍二十九年領偏軍征仇池破二壘文帝崩累遷
自建康令為右將軍大破薛索兒於石梁明帝即位
授南充州刺史冠軍將軍而明帝常嫌太祖非人且
相且民間流言蕭姓當為天子明帝愈以為疑泰始
七年徵赴京師拜散騎常侍太子左衛率明帝崩詔
為右衛將軍加兵五百人與尚書令袁粲褚淵等共
掌機事及蒼梧王立元徽二年江州刺史桂陽王休
範舉兵叛於尋陽衆二萬湓口太祖議分軍屯守出
鎮自新亭單車白服宋天子加太祖持節都督征討

諸軍事平南將軍築新亭城未畢賊前驅已至太祖
方解衣高卧以安衆心乃索白虎幡登西垣使將軍
高道慶陳顯達浮舸與賊水戰自新亭北至赤岸大
破之燒其舩艦賊上新亭休範乘肩輿率衆至而太
祖大破之張劭兒斬休範首而賊將丁文豪仍設伏
破臺軍於皂莢橋至朱雀航而太祖使陳顯達任農
夫張劭兒周盤龍等散討諸賊時休範與籤許公與
等許稱休範在新亭士庶惶懼詣壘期赴休範投名
者千數太祖得而燒之喻遣還乃振旅凱入百姓聚
觀曰全國家者此公也遷鎮軍將軍兗州刺史進爵
爲公邑三千戶休範平後趙王兇暴猜忌欲加大

禍陳太妃罵之曰昔道成有功於國今若害之後誰
爲汝着力也乃止太祖加憂懼後常欲以太祖臍爲
射的僅得免乃與二十五人謀反與楊玉夫等同謀
殺蒼梧王而迎立恭愍王其夜王劬則馳蒼梧首於太
祖太祖夜入承明門乘所騎赤馬入殿內及太祖踐祚
号此馬爲龍驤將軍世謂龍驤赤色也及沈攸之矯
太后令下都京師恐懼太祖入居朝堂命諸將西討
之素粲劉彥節等謀於石頭皆殺之彥節走領擔湖
王蘊走鬪場追擒斬之粲無繼世之調而流放好酒
步屣白楊郊野間道遇士大夫便呼與酣飲明日謂
彼知故到門求通粲曰昨飲酒無偶聊相邀爾竟不

相見初蒼梧之廢也彥節於集議路逢弟韞曰今日
之事故當歸兄耶彥節曰吾等以讓領軍矣韞自搥
背曰君肉中詎有血乎詔假太祖黃鉞率大衆出新
亭中興壘以拒攸之攸之敗傳首京師進太祖太尉
都督徐兗等十六州諸軍事己酉增班劔四十人甲
仗百人入殿加羽葆鼓吹自大明太始已來相承奢
侈百姓成俗太祖輔政罷御府省二尚方諸飾翫集
兼不得以金銀錦繡為緣器等九月進位領揚州牧
劔履上殿入朝不趨贊拜不名置左右長史司馬從
事中郎將掾屬各四人三月甲辰詔進位相國摠百
揆封十郡為齊公備九錫之禮加璽絨遠遊冠位在

諸王公上加相國綠綬綬三讓公卿躬勸乃受宋帝
策命詔齊國初建給錢帛萬四月癸酉進齊公爵為
王衛將軍褚淵奉策授璽綬金虎符第一至第五錫
茲立土苴以白茅改立王社丙戌命齊王冕十有二
旒建天子旌旗出警言入蹕一依天子儀辛卯宋帝禪
位便遜位別宮詔依唐虞魏晉故事是日宋帝遜位
齊郎備羽儀出東掖門曰何不進鼓吹左右無有答
者壬辰策命齊王遣使持節兼大保零都縣侯褚淵
兼太尉王僧虔奉皇帝璽綬受終之禮一依唐虞故
事太祖三辭宋帝王公已下固請太史令將作匠文
建陳符命曰六亢位也漢建武云王建安二十五年一

百九十六年而禪魏魏自黃初至咸熙二年四十六年而禪晉晉自泰始至元熙二年一百五十六年而禪宋宋自永初元年至昇明三年九十六年咸以六終六受右僕射王儉奏被宋詔遜位臣等叅議宜剋日輿駕受禪撰立儀位太祖乃許之

建元元年夏四月甲午上即皇帝位於南郊設壇柴燎告天禮畢車駕還宮臨太極前殿大赦天下改昇明三年爲建元元年封宋帝爲汝陰王築宮丹陽故縣行宋正朔車旗服色一如晉宋故事上書不爲表答表不稱詔宋諸王降爲公公主爲縣君詔封降者差有司奏除元嘉曆爲建元曆木德盛卯未以正

月卯社十二月未臘丙辰詔遣大使巡行。方巳未
汝陰王薨謚為順帝追尊皇考曰宣皇帝妣曰孝皇
后追尊兄道度道生為王庚辰七廟立未備法駕即
于太廟甲申立皇太子曠見刑人重者降一等立皇
太子嶷等為王乙酉葬順帝于寧陵秋七月詔南蘭
陵桑梓本鄉長蠲租南武進王業所基復十年丙子
立彭城劉胤為汝陰王奉宋帝後

二年三月巳亥高麗吐谷渾遣使貢獻進高麗王高
璉為樂浪公九月葬皇太子妃穆氏休安陵時議欲
立石誌不出禮典起宋元嘉中顏延之為王球石誌
素族無銘策故以紀行自爾已來共相祖習儲妃之

舍人畧住一省時謂之四
玄象失度時史官請行
此禍由四戶乃具
二年秋七月
詩戊申
湖

三年八月乙未幸中堂聽訟

四年春正月甲申藉田禮畢車駕幸閱武堂勞酒小會
五月三月戊子幸芳林園禊宴九月九日登高臨館
館所立在孫陵崗世呼為九日臺也

六年春正月聽覽京師二百獄囚
七年五月王儉薨

八年六月大雷而有黃光竟天照地狀如金色王融
上金天頌王擒曰此熒惑光非金也十月桃李再花
古曰人君妃妾過制虛飾無實今則桃李再花時後
宮萬餘人宮內不容太樂內茅室皆暴露

九年十年十一年春正月丙子皇太子長懋薨夏四
月甲午立皇孫昭業爲皇太孫而妃何氏賜天下爲
父後者爵一級七月上不豫徙御延昌殿車輿始登
階而殿屋鳴咤上惡之戊寅大漸詔曰太孫進德日
茂社稷有寄子良善相吐納尚書中務悉委王晏徐
孝嗣等軍旅捍邊委王劼則陳顯達二廣之沈文季
等又詔不得寶器入禁宮是日上崩年五十四廟号

世祖謚武皇帝上剛毅有勳治世大體以富國爲先
頗好遊宴九月葬景安陵初十一年秋七月月入太
微先是匈奴中謠言云赤火南流喪南國於是匈奴
始視爲寇帝方患而憂之是歲果有沙門從北來齋
此火而至火色赤於常火而微云以治疾貴賤爭取
之多得其驗二十餘日京師咸云聖火詔使吏澆滅
之而民亦有竊畜者治病先齋戒以火炙挑板七炷
而疾愈吳興丘國賓好事士也竊還鄉邑邑人揚道
慶虛疾二十年間形容骨立依法炙板一炷能坐即
全瘥是月帝崩

史曰齊高帝基命之初武功潛用秦始開運大拯

時艱及蒼梧暴虐釁結朝野而百姓懍懍命縣朝夕
權道旣行兼濟天下元功振主利器難以假人群方
戮力實懷尺寸之望豈惟天厭水行固已人希木德
歸功與能事極乎此武帝雲雷伊始功參佐命雖爲
繼體事實艱難御衮垂旒深存政典文武授任不革
舊章明罰厚恩皆由已出外表無塵內朝多豫機事
平理職貢有常府藏內充鮮人勞役宮室苑圃未足
以傷財安樂延年衆庶所同幸亦有齊之良主也

廢帝鬱林王

鬱林王昭業字元尚文惠太子長子也小名法身文
惠薨立昭業二十歲爲皇太孫居東宮世祖永明十

一年七月崩太孫即帝位幸晉追尊文惠為世宗文
皇帝尊太妃為皇太后立何氏為皇后初昭業年五
歲戲高帝床前方拔白髮召問太孫曰我誰耶答曰
太公高帝笑曰豈有為人曾祖拔白髮乎即擲鏡鑷
隆昌元年春正月丁未改元大赦詔百寮陳得失各
舉所知七月癸巳皇太后令廢帝為鬱林王昭業美
容止好隸書世祖勅皇孫手書不得妄出以重之出
入常禁其起居節其用度昭業曾謂豫章王妃庾氏
曰阿婆佛法言有福德生帝王家今日見作天王便
是大罪左右主帥動見拘繫不如作市邊屠沽富兒
百倍矣及即位極意賜與動百數十萬未暮之間世

祖庫儲錢億數垂盡而開主衣庫與皇后寵觀之入
人恣意所欲取之諸寶器以相擊剖破碎之以爲笑
樂居常裸袒着紅縠揮雜綵袒服好鬪鷄密買鷄至
千價世祖御物甘草杖宮人寸斷用之與文帝幸姬
霍氏淫通長留宮內聲去度霍氏爲尼以餘人代之
何皇后亦亂齋閣通夜洞開內外混雜西昌侯鸞屢
諫不納乃疑鸞有異志鸞懼變先謀廢帝二十二日
使蕭譔坦之等於省誅帝羽翼曹道剛朱隆之等率
兵自尚書省入雲龍門戎服加朱衣於上比入門三
朱廢帝在壽昌殿聞外變走向愛姬徐氏戶放劔自
刺不中以帛綿纏頭與接出延德殿譔初入宿衛將

十皆執弓楯相拒。諶曰：所取自有，人卿等不須動宿衛。信之。及見帝出，各欲自奮。帝竟無言，及被殺時，年二十三。輿屍出，徐龍駒殯葬，以王禮。餘黨亦見誅。明日，乃宣令而立海陵王。

廢帝海陵王

海陵王昭，文字季尚，文惠太子第二子也。鬱林即位，封為新安王。其年鬱林廢尚書，令西昌侯鸞議立昭。文為帝。

延興元年秋七月丁酉，即皇帝位。以西昌侯鸞為錄尚書事、揚州刺史。宣
郡公大赦天下。改元。九月癸未，誅司徒鄱陽王鏘。大將軍隨王子隆、南兗州刺史

安陸王子敬江州刺史晉安王子懋於是三王遂起
兵遣中護軍王玄邈討誅之己未鸞假黃假內外纂
嚴丁酉進宣城公鸞為太傅加殊禮進為王而盡誅
諸王為藩鎮者以宣城王輔政帝起居皆諮而後行
常思蒸魚菜大官令答無錄公命竟不獻十月辛亥
皇太后令以嗣主幼冲庶政多失宗王四海藩戚外
叛自非樹長君無以鎮淵器太傅宣城王胤體宜皇
鍾茲太祖宜入承替命帝降海陵王建武元年詔海
陵王依漢東海王故事十一月稱王有疾遣御師占
視乃殞之時年十五謚曰恭王先是寶志沙門住東
宮常從平昌門入忽去門限上血汚人衣褰裳走過

俄而載帝屍自此門出帝頸血流于門限
史臣曰郭璞稱永昌之占二百之象而隆昌之号亦
同焉案漢靈帝中平六年四月崩辯太子十歲即位
改光熹元年張讓段珪誅後改爲昭寧董卓輔政改
爲永漢卓廢帝爲弘農王一百七十日鳩之九月立
靈帝子協却号中平一年四号也晉惠帝太平二年
長沙王友事敗成都王穎改元爲永安穎自郟奔河
間王復改元爲永興一歲三号也隆昌延興建武亦
二号故知喪亂之軌逾千載而必同之矣

高宗明皇帝

高宗明皇帝諱鸞字景栖始安貞王道生之子也小

名立慶少孤太祖撫育過於諸子宋太豫元年爲安
吉令有嚴能之名累遷輔國將軍淮南太守太祖踐
祚遷侍中封西昌侯世祖即位爲度支尚書轉左衛
將清道而行遷左僕射海陵王立爲錄尚書事鎮東
府加黃鉞班劍進爲宣城王太后廢帝海陵王以上
入纂太祖爲第三子也群臣三請乃受命冬十月癸
亥即皇帝位大赦改元

建武元年大司馬王敬則等十三人並進封邑戶詔
省尚方雕刻新林苑地悉以還百姓追尊始安貞王
爲景皇帝妃爲懿皇后戊子立皇子寶卷爲皇太子
賜天下父後者爵一級自輔政所深十八王是月復

屬籍冬封子爲侯

二年夏六月誅西陽南海邵陵等三王而殺蕭湛八月納皇太子妃褚氏大赦王公已下賜有差十二月詔晉宋諸陵悉加修理

三年冬十月皇太子冠賜王公已下帛有差

四年春大赦庚辰詔人產子者蠲父母役一年新婚者蠲夫役一年

永泰元年春正月朔大赦丁未誅河東臨賀西陽永陽南康衡陽湘東南郡巴陵桂陽等十王子皆死之四月甲寅改元大赦丁未大司馬會稽太守王敬則舉兵反夏五月使輔國將軍劉山陽東討斬敬則秋

七月己酉帝崩于正福殿時年四十七遺詔以沈文
季為左僕射江祐為右僕射封江祀侍中劉暄衛尉
卿軍政大事內外皆委徐孝嗣遙光蕭坦之等為心
膂之任葬興安陵謚明皇帝廟号高宗帝明審有吏
才持法無所借制御親幸且下肅清驅使人夫存其
儉約輿輦舟乘則去金銀還主衣庫太官進食有裹
蒸帝曰我食此不盡可四片破之餘充晚食而世祖
掖廷中官服御一無所改性多猜慮故亟行誅戮而出
入互唱南出唱北東行唱西而示簡於出入竟不南
郊上初有疾信道術身衣絳衣服飾皆赤以厭之巫
云後湖水頭徑入宮內致帝有疾乃自至太官行水

溝左右啓太官若無此水則不立帝意塞之欲南引
淮流會帝崩事寢

廢帝東昏侯

東昏侯寶卷字智藏高宗第二子也本名賢高宗輔
政改焉建武元年立為太子

永泰元年七月高宗崩太子即位改元

永元元年十一月立皇子誦為太子賜為父後者爵

一級丙辰揚州刺史始安王遙光據東府反遣領軍

蕭坦之討平之傳首九月壬戌以頻誅大臣大赦天

下十一月太尉江州刺史陳顯達反十二月顯達至

京師乙酉斬首餘黨盡平

二年三月詔使崔惠景討豫州刺史裴叔業及兄子植惠景時爲平西將軍於廣陵起兵反襲京師徐州刺史江夏王寶玄以京城納之乙卯帝使領軍王瑩屯北籬門惠景破之遂入京師豫州刺史蕭懿起義兵大破惠景詔曲赦京邑江夏王寶玄伏誅十月害尚書令蕭懿十一月甲寅蕭穎胄起兵於荊州十二月雍州刺史梁玉蕭衍起義兵於襄陽

三年二月詔羽林兵征雍州中外纂嚴三月丁未衍立南康王寶融卽皇帝位於江陵癸丑遣平西將軍陳伯之西征八月以光祿張瓌鎮石頭以太子左衛率李居士摠督諸軍屯新亭是日義軍至南州李居士

士敗新亭降義軍將軍徐元瑜以東府城降義軍十
二月王玠國侍中張稷率兵入殿廢帝時年十九帝
在東宮便好弄不喜書常夜捕鼠達旦為樂高宗臨
崩屬以隆昌為戒曰作事不可在人故數誅大臣委
任群小性訥澀少言唯親闈暨及左右自江祐始安
王遙光等誅後騎馬日夜於後堂戲叫呼倡伎以五
更就卧至晡方起王侯朝臣節朔朝見晡後方前或
時遣出臺閣奏案月數十日不報初二年元會食後
方出朝賀纔竟便還西序寢自己至申百寮陪位皆
僵仆菜色比起就會恣遽便罷陳顯達平後出遊走
逐居民于郊外數十里皆空家盡室巷陌懸幡高為

陳書夜入防守謂之屏除或周環京邑是時一月二十餘出三四更中鼓聲四出幡戟橫路百姓喧走士不辯出不言定所夜出夜返火光天鼓吹鳴鈸聒地置射雉場二百九十六所郊郭惟擊四民皆廢業樵蘇路斷又於後宮起仙華神仙玉壽諸殿盡用彫彩以麝雜香漆壁時世祖興光樓上施青漆世謂之青樓帝曰武帝不巧何不純用瑠璃貴妃潘氏服御極選珍異主衣庫舊物不復充用琥珀釧一隻直一百七十萬京邑酒租皆折使輸金又立紫閣諸樓壁上畫男女私褻之像種好樹美竹徵求民家望樹便取朝裁暮拔道路相繼又於官立市太官乃朝進酒

凶者莫使宮人聞聲共為禪思潘妃為市令帝為市
魁將鬪者就潘氏判決苑中作土山築渠立堰以新
蔡人徐世標為直閣將軍殺戮皆用其黨茹法玠梅
虫兒等專權內外緘口及義師至近郊乃聚兵為固
守之計而信鬼神迎拜蔣子文為相國楊州牧封鍾
山王時范雲謂朱光尚曰卿是天子要近人當思諫
諍光尚曰至尊不可諫正當以鬼神達意後帝馬驚
光尚曰先帝瞋不許數出帝大怒乃拔刀與光尚尋
覓不見乃縛草作高宗形北面斬之懸首苑門上潘
妃生女百日死帝斬裴經杖群臣來吊盤地坐舉手
受執及將軍席豪死於是閉城自守城內軍事一委任

王珍國而聞外鼓吹叫聲披大紅袍登景陽樓屋上
望弩幾中之士卒怨之不為致力募兵出戰至城門
皆坐甲自守恐城外有伏乃燒城旁府署六門之內
皆盡於西掖內相聚為市販牛馬肉及義師至便勅
太官備百日糧而惜金錢不肯賞賜茹法珍等叩頭
請之帝曰賊來獨取我耶而就我求物後堂儲數百
具榜板啓為防城之具帝曰擬脩殿竟不與故王珍
國張稷等見不能用計懼禍及故反率兵入殿是夜
帝在含德殿吹笙歌作女兒子卧未熟聞兵入起出
北戶欲還宮關人黃泰平以刀傷其膝仆地顧曰奴
反耶直後閣張齊遂斬首送梁王宣德太后令言其

兇惡追封為東昏侯法珍等伏誅初義師築長圍帝
乃着五色衣服登城望賊還輒與六宮御刀在華光
殿共立單壘別制鎧仗多用金玉親自攻壘詐作戰
敗被瘡板擱將去將來相對為樂

和帝

和帝諱寶融字智昭明帝第八子也建武元年封隨
郡王永元元年改封南康王出為西中郎將荊州刺
史督九州軍事二年十一月甲寅長史蕭穎胄奉王
舉兵其日太白及辰星俱見西夕乙卯教募蔡嚴景辰
以雍州刺史蕭衍為使持節都督前鋒諸軍事戊午
衍表勸進十二月乙亥羣僚勸進並不許壬辰驍騎

將軍夏侯壹自建鄴至江陵稱宣德太后令西中郎將
南康王宜纂承皇祚光臨億兆可且封宣城王相國
荊州牧加黃鉞置僚屬三年正月乙巳王受命大赦
唯梅虫兒茹法珍等不在例是日長星見竟天甲寅
建牙于城南二月巳巳群僚上尊號立宗廟及南北郊
中興元年春三月乙巳皇帝即位大赦改永元三年
為中興文武賜位二等是夜彗星竟天以相國左長
史蕭穎胄為尚書令加雍州刺史蕭衍尚書左僕射
都督征討諸軍以晉安王寶實義為司空廬陵王寶源
為車騎將軍開府儀同三司景午有司奏封庶人寶實
卷為零陵侯詔不許又奏為涪陵王詔可夏四月戊

辰詔凡東討衆軍及諸向義之衆普復除五年秋七月丁卯魯山城主孫樂祖以城降己未郢城主薛元嗣降八月景子平西將軍陳伯之降九月己未詔假黃鉞蕭衍若定京邑得以便宜從事冬十一月壬寅尚書令鎮軍將軍蕭穎胄卒十二月景寅建康城平己巳宣德皇太后令以征東大將軍蕭衍爲大司馬錄尚書驃騎大將軍揚州刺史封建安郡公依晉武陵王遵承制故事壬申改封建安王寶寅爲鄱陽王癸酉以司徒揚州刺史晉安王寶義爲太尉領司徒乙酉以尚書右僕射王瑩爲左僕射

二年春正月戊戌宣德皇太后臨朝入居內殿壬寅

大司馬蕭衍都督中外諸軍事加殊禮己酉以大司
馬長史王亮為守尚書令甲寅加大司馬蕭衍位相
國梁公備九錫禮二月壬戌誅湘東王寶實暉景戌進
梁公蕭衍爵為王三月辛丑鄱陽王寶實黃奔魏誅邵
陵王寶攸晉熙王寶實貞庚戌車駕東歸至姑孰景辰
遜位于梁丁巳廬陵王寶源薨四月辛酉禪詔至皇
太后遜居外宮梁受命奉帝為巴陵王宮于姑孰戊
辰巴陵王殂年十五追尊為齊和帝葬恭安陵初梁
武帝欲以南海郡為巴陵國邑而遷帝焉以問范雲
雲俛眉未對沈約曰今古殊事魏武所去不可慕虛
名而受實禍梁武領之於是遣鄭伯禽進以生金帝

曰我死不須金醇酒足矣乃引飲一升伯禽就加摺
焉先是文惠太子與才人共賦七言詩句後輒去愁
和帝至是其言方驗又永明中望氣者去新林婁湖
青溪並有天子氣於其處大起樓苑宮觀武帝屢游
幸以應之又起舊宮於青溪以弭其氣而明帝舊居
東府城西延興末明帝龍飛至是梁武帝衆軍城於
新林而武帝舊宅亦在征虜百姓皆著下屋白紗帽
而反裙覆頂東昏曰裙應在下今反在上不祥命斷
之於是百姓皆反裙向下此服杖也帽者首之所寄
今而向下天意若曰元首方爲猥賤乎東昏又令左
右作逐鹿帽形甚窄狹後果有逐鹿之事東昏宮裏

又作散叛髮反髡根向後百姓爭學之及東昏狂惑
天下散叛矣東昏又與群小別立帽騫其口而舒兩
翅名曰鳳度三橋裙向後摠而結之名曰反縛黃麗
東昏與刀敕之徒親自著之皆用金寶鑿以辟玉璫又
作著調帽鏤以金玉問以孔是此皆天意梁武帝舊
宅在三橋而鳳度之名鳳翔之驗也黃麗者皇離爲
日而反縛之東昏戮死之應也調者梁武帝至都而
風俗和調先是百姓及朝士皆以方帛填冑名曰假
兩此又服袂假非正名也儲兩而假之明不得真也
東昏誅其子廢爲庶人假兩之意也

史臣曰鬱林地居長嫡瑕譽柔耒彰而武皇之心不變

周道故得保茲守器正位尊極既而愆鄙內作兆自
宮闈雖爲害不遠而足傾社稷邪璞稱永昌之名有
二日之象隆昌之號實亦同焉明帝越自支庶任當
負荷乘機而作大致殲夷流涕行誅非玄義舉事苟
非安能無內愧既而自樹本枝根胤孤弱貽厥所授
屬在凶愚用覆宗枋亦其理也夫名以行義往賢垂
範備而之禪術士誠之東昏以卷矣藏以終之其兆
先徵蓋亦天所命矣

列傳

柳世隆

張瓌

柏崇祖

張敬兒

王劭則

陳顯達

劉懷珍

李安民

王玄載

崔思祖

劉善明

蘇侃

栢榮祖

周山圖

呂安國

周盤龍

王廣之

薛淵

戴僧靜

栢康

焦度

庾杲之

高帝十九男

柳世隆字彥緒河東解人也祖憑世隆少有風器伯

父元景為宋尚書令愛賞之言於宋孝武召見帝曰

此兒將來復是三公也宋累遷虎威將軍上庸守帝

謂元景曰卿昔以虎威之號為隨郡今復以授世隆

使卿門世不絕公也以沈攸之叛守郢城有工事定

徵為侍中遷尚書右僕射貞陽侯齊太祖踐祚自母

憂起為平南將軍豫州刺史進為公帝問褚淵日向

見柳世隆毀瘠過禮使人憫然淵曰世隆至性天深
喪過乎禮事陛下在危盡忠喪親居憂衣而後起立
人之本二理同極加榮增寵足以勵風俗世隆性好
書啓太祖借秘閣書上給二千卷轉尚書令常自云
馬稍第一清談第二彈琴第三在朝不于世務垂簾
鼓琴風韻清逸甚得世譽以疾遜位永明九年卒詔
給東園祕器朝服贈司空班劍鼓吹葬於倪塘著龜
經秘要二卷見行於世

張瓌字祖逸吳郡吳興人也祖裕父永爲晉左光祿
曉音律宋孝武問永太極殿前鍾聲嘶永答鍾有銅
澤乃扣鍾求其處鑿而去之聲遂清越瓌解褐江夏

王太尉府參軍以遭父喪還吳初劉彥節有異圖弟
遐為吳郡守聚師三千太祖密遣瓌取遐瓌領兵直
入吳郡斬遐郡內莫敢動太祖以告張沖沖曰瓌以
百口一擲出手得盧矣即授吳郡太守封義成侯世
祖即位為左尚書領右軍及鬱林之廢見朝廷多難
恒卧疾而居室妓妾盈房生子十餘人嘗云中應有
好者梁天監中卒

栢崇祖字敬遠下邳人也族姓豪強石季龍時自洛
陽徙鄴曾祖敞為慕容吏部尚書祖苗自宋武征廣
固率眾歸降仍家下邳官龍騎將軍父詢之宋冀州
刺史崇祖年十四有幹略伯父豫州刺史護之謂門

宗曰此兒必大吾門汝等不及也太祖在淮陰崇祖
時戍朐山既受都督祇奉甚至及平沈攸之復遷冠
軍將軍兗州刺史初下邳見太祖謂妹夫皇甫肅曰
此真吾君也太祖亦曰韓白不及太祖踐祚為豫州
刺史鎮壽春盡力奉邊建元二年虜遣劉昶馬步號
二十萬寇壽春崇祖著白紗帽肩輿登城指揮大破
虜軍啓至上笑曰今真得其人矣進平西將軍崇祖
聞陳顯達增給軍儀乃啓上求鼓吹上勅曰韓白何
可不與遂給鼓吹一部世祖即位徵還為五兵尚書
永明元年詔稱與荀伯玉今上御名扇邊荒誅之時年四十
四子惠隆徙番禺卒

張敬兒南陽冠軍人也本名犒兒宋明帝以其名鄙
改之父醜爲蜀郡將軍敬兒年少便弓馬有膽氣射
猛獸發無不中以補府將擊蠻賊累功爲南陽太守
後佐太祖大破桂陽王於新亭親詐降斬休範首以
功遷爲雍州刺史驍騎將軍以平沈攸之封襄陽侯
太祖即位爲中軍將軍太祖崩遺詔加開府儀同三
司將拜謂其妻曰我拜後府開黃閣因口自爲鼓吹
聲其妻謂曰吾嘗時夢一手執如火而君爲南陽郡
元徽中夢半身執而君得太州今復夢舉身執矣有
闍人聞之以事達世祖世祖疑有異志使收之敬兒
脫冠投地曰用此物誤我於是伏誅子道慶見宥

王劭則晉陵南沙人母爲女巫劭則生而胞紫色謂
人曰此兒必有鼓角相人笑曰得爲人吹角可矣及
年長兩腋下生乳各長數寸夢騎五色獅子年二十
餘善拍張好刀劍補刀戟跳高與虎幢等宋明帝即
位爲直閤將軍封重安縣子劭則少於草中遇虫如
烏豆集其身摘去乃脫其處皆流血劭則惡之詣道
士卜云此封侯之瑞也果如其言出補暨陽令性倜
儻不羈初屠狗商販徧於三吳嘗與暨陽縣吏鬪曰
我得暨陽當鞭汝小吏背吏唾其面曰汝得暨陽我
亦得司徒公矣及作暨陽召吏謂曰汝何時得司徒
公邪音善遇之及佐破桂陽王遂盡力於太祖太祖

即位以殺蒼梧功遷安東將軍吳興太守封潯陽郡
公世祖十一年累遷司空出爲會稽太守初在吳興
出行市見屠肉枿歎曰吳興昔無此枿是我少時在
此所作也海陵王立進位太尉敬則名位雖達不以
富貴自遇初爲散輩使虜於北館種楊柳後貞外郎
虞長曜北使還敬則曰我昔種楊柳今若大小長曜曰
北人以爲甘棠敬則從世祖嘗宴於華林群臣各出
妓敬則脫章服袒髀以片絹紉髻奮臂拍張叫動左
右上不悅曰豈聞三公爲此對曰臣拍張故得三公
而拍張當時以爲名譽明帝即位爲大司馬臺使拜
投日而雨大洪注敬則不悅及使蕭坦之將齋仗五

百人行武進陵敬則憂惶上知使敬則世子仲雄入
東安慰其父雖然愈益猜忌高宗疑焉後竟起兵反
過浙江帝諸子在京者盡殺之遣將軍左興盛等討
之敬則遇興盛遙告敬則曰公兒死已盡公如許作
底官軍不敵欲退馬軍主胡松領馬軍突之敬則大
敗興盛軍容表文曠斬之傳首京師時年七十初敬
則東起高祖疾篤朝廷倉卒東昏侯在東宮議欲叛
使人上屋望見虜亭失火謂敬則至急裝欲走或有
告敬則者敬則曰檀公三十六策走是上策汝父子
唯應急走耳蓋諺云檀道濟避虜也

陳顯達南彭城人宋以勞驅使累遷濮陽太守桂陽

王反大敗賊丁豪等於杜姥宅矢中左眼拔而鏃不出
地黃村潘嫗者善禁先以釘釘柱嫗禹步作氣釘即
出乃禁顯達目中鏃出以功封彭城侯再遷平越中
郎將廣州刺史太祖即位為安西將軍益州刺史山
夷震服永明八年徵征南大將軍江州刺史給鼓吹
顯達性謙厚多智計有子十人誠之曰我本不及此
汝勿以富貴陵人高宗之世進位大尉都陽公常不
自安每自卑下及北討齊軍大敗顯達等軍圍馬
圈城四十日入城齊軍大敗顯達等軍圍馬圈城四十日
軍敗顯達走以主出齊軍大敗顯達等軍圍馬圈城四十日
刺史鎮益城齊軍大敗顯達等軍圍馬圈城四十日

月遂舉兵朝廷遣胡威等拒於秦三大破之松軍敗
京邑震駭遂於新城多置屯火於岸十二月潛軍夜
渡取石頭入宮城與官軍戰於西州顯達敗走西州
烏榜村騎官趙濂注精射擊是斬於壘門側血灑前
籬似淳于伯之被刑也時年七十三諸子皆伏誅

劉懷珍字道玉平原人漢膠東王後伯父奉伯爲宋
陳郡太守懷珍勿隨奉伯在壽陽時刺史出獵百姓
觀之懷珍獨避不視伯父異之曰此兒方興吾宗也
本州辟主簿自宋文以來數有軍功遷至將軍封中
宿侯太祖輔政以布衣之舊徵爲相國左司馬建元
初改封宣城侯而尋轉光祿大夫子靈哲字文明累

遷至前將軍兗州刺史母病哲躬自祈禱夢見黃衣
公曰可取南山竹筍食之靈哲覺如其言乃立愈

李安民蘭陵承人也父欽之殿中將軍隨父沒虜率
部曲自拔南歸累遷冠軍司馬廣陵太守初討晉安
王子勛事平明帝大會新亭勞諸軍主簿蒯官賭而
安民五擲皆盧帝大驚帝自謂安民曰卿一回方如田
封侯相也及太祖即位為中領軍封康樂侯家國密
事太祖唯與安民論議每謂曰署事有卿名我便不
復細覽也世祖即位遷尚書僕射以疾辭退為安東
將軍吳興太守吳興有項羽神護郡廳事太守至必
先殺軛下牛祭安民奉佛不食牛祭而設八關齋俄

而牛死埋於廟側今呼爲李公牛塚也

王玄載字彥休下邳人也建元二年爲梁秦二州刺史兄弟同時爲方伯封河陽侯永明四年卒

崔祖思字敬元清河東武城人也魏中尉琰七世孫父僧護祖思少有志氣好讀書史爲都昌令隨青州刺史栢護之入堯廟廟有蘇侯像偶坐護之曰唐堯聖人而與雜神爲列祖思曰使君若清蕩此坐則是堯廟重去四凶之伍也遂相與除雜神太祖在淮陰祖思聞風自從之及宋初議封太祖爲梁公祖思啓太祖曰讖云金刀利刃齊刈之今宜稱齊實應天命從之太祖即位遷征虜將軍青冀二州刺史因啟陳

...

...

...

...

...

...

...

...

...

...

...

...

...

...

...

...

...

...

大羊乎宋孝建中爲後軍參軍事太祖累遷寧國將軍東海太守榮祖善彈笈西樓見海鵠群翔謂左右當生取之於是彈其兩翅毛脫盡墜地無傷養毛生後飛去其妙如此佐命勳封將樂縣子永明二年遷冠軍兖州刺史九年卒

呂安國廣陵人也宋夫明末以將領見任隱重有幹局副劉劬破鄒瑛於壽陽功第一封彭澤男累以軍功遷金紫中祿大夫給事中永明八年卒

周山園字季寂義興人也貧微於書題之曰拙不事產業有氣節以軍功累遷在中郎將衆稱其勇呼爲武原將以佐太祖勳徵山征有功封晉興縣男世祖即

位遷晉後王鎮北司馬及疾上手熱問疾尋卒
周盤龍北蘭陸人也盤龍膽氣過人尤便弓馬隨軍
討擊陷陣先啓累遷龍驤將軍封晉安子建元二年
助柏崇祖拒魏大破之上聞大喜送金釵二十枚與
盤龍愛妾杜氏手教曰餉周公阿杜轉太平子教令
助成買與虜拒戰於淮陰角城父子二人衝突出入
繁擾數萬衆遷平北將軍兗州刺史後爲光祿大夫
世祖戲之曰卿看貂蟬何如堯蓋對曰此貂蟬從堯
蓋中出病卒子奉叔勇力絕人少隨父征討得直閣
將軍善騎馬鬱林從其學騎後遷冠軍將軍青州刺
史後爲高宗所殺

王廣之字士林沛郡相人也少好弓馬有勇力初爲
馬隊主累遷左衛將軍世祖見其子珍國異之曰珍
國大堪事卿可謂老蚌卒於江州刺史進應城公
薛淵河東淮陰人也宋州刺史安都從子本名道淵
避太祖偏諱改焉安都降虜而親族皆入北太祖鎮淮
陰淵來奔委身事太祖隆昌元年封司州刺史卒
戴僧靜會稽永興人也少有膽力便弓馬初祖飾謀
亂伏法家口徙青州僧靜自歸太祖爲北徐州刺史
徙高平太守卒

相康北蘭陵康人也勇而黠果宋末隨太祖及世祖
起義爲郡所繫衆皆畏而康裝擔一頭貯穆后一頭

貯文惠太子反。後王子自負置山中，與門客蕭欣祖四十餘人相結，每歲出。世祖郡兵追急，康死。戰破之。隨世祖起義，擊陣奮力，絕人所經村邑，恣其行暴。江南人畏之，以其名怖小兒，畫其形而辟瘡，無不立愈。建元元年，封美平縣伯。後軍將軍，明年大破魏虜，為持節都督青州刺史。卒。

焦度字文績，南安平人也。祖文珪避難奔喪居仇池。元嘉中，僑立天水郡洛陽縣，乃屬焉。度少有氣幹，便弓馬，孝武初，青州刺史顏師伯出鎮滑臺，差度領幢主。送之後，破虜有功，拔為輔國府參軍。孝武見而謂師伯曰：「真健物也。」補晉安王子勛夾轂隊主。子勛起

兵以度爲龍驤將軍事敗逃於宮亭湖中爲賊江州
刺史王景文誘降之沈攸之事起拒攸之於郢城登
樓罵辱攸之攸之攻不能下至今呼此樓爲焦度樓
事寧後以功爲直閣將軍封東昌縣子

庾杲之字景行新野人祖深之雍州刺史父粲司功
叅軍杲之幼有孝行起家奉朝請累至王儉衛軍府
長史蕭緬與儉書曰盛府元僚寔難其選景行汎綠
水依芙蓉何其麗也世呼儉府爲芙蓉池故緬書美
之也薄黃門侍郎杲之風範和潤善音吐世祖令對
虜使歎其風姿之美王儉在坐曰杲之爲蟬冕所照
更生光彩遷左衛率上表退蟬冕及章上不許杲之

從孫竄家富於財狀白豐美頤頰開張人皆以為有
方伯之一凍餒之憂後江陵亂音饑死又有都督
褚羅從理入口竟不乏衣食而終

高帝十一昭皇后生武帝及豫章文獻王嶷謝貴
嬪生臨川一映長沙威王晃羅太妃生武陵昭王
畢任太妃生成恭王暕陸脩容生丹陽王鑠何太妃
生始興簡王鑑宜都王鍼歐貴人生鈞張媵妃生江
夏王鏐河東王鉉李美人南平王嶽第九第十三
第十四第十七皇子早亡